



सानसेयारि 'बड'सा' खीरालाइयाव
समाज्यादि जिउजो लोब्बा थावाय रायथाय, खन्थाय,
अल', अल'बाथा आरो दावबायारि थावनि, पार्क
बाइदिनि सायाव लिउरनाय लिउरिबाँ दैथाय ठर/
सानसेयारि 'बड'सा' खीरालाइया स्वेबखानाबै
फोस्वावोन।
बड'सायाव लिउरनायनि हुबा खालाम,
'बड'सा' खी नौथां, जौ बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 5 December, 2024 Kokrajhar, BTC, Assam ★ Vol. - 33, Issue No. 248 ★ R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-

तामुलपुराव सिगांग्रो बर 'दिन फोर्बो फालिदों

तामुलपुर, 4 डिसेम्बर: तामुलपुर जिल्लनि खूथान धोरोमारिफोरा गोथार बर 'दिन फोर्बो' आ गेजेराव साननैसोल' सम थावावनायनि गेजेराव नो तामुलपुर जिल्लनि खूथान क-अडिनेसन कमिटिनि बान्जायनायाव तामुलपुरनि मथंगा चकआव गाजा गोमजायै गोथार बर 'दिन फोर्बो फालियो। सानसेनि मेहेर गोनां गाजा गोमजायै खुनाय सिगांग्रो गोथार बर 'दिन फालिथायखौ तामुलपुर जिल्ला खूथान क-अडिनेसन आफादिनि आफादिगिरि कबिन चन्द्र बर 'आ सामलायो। बेनि उनाव जिशु खुष्टनि खाथियाव आर 'ज गावनाय, बाइबेल फरायनाय। बाइदि रिगु दामसा दामनानै बिहु, (□ 6 बिलाइआव)

आसामनि राइज्यो बेंगिरि लक्ष्मण प्रसाद आचार्यआ नगाव जिल्लायाव दावबायहैदों

'गाव में गभर्नर' हाबाफारिनि मोनसे बाहागो महरै नगावनि टकलाई बाबेजिया गामियाव दावबायहैदों

गुवाहाटी, 4 डिसेम्बर: आसामनि राइज्यो बेंगिरि लक्ष्मण प्रसाद आचार्यआ बिथानि गिबि खेब नगाव जिल्ला दावबायहैनाय समाव दिने 'गाव में राज्यपाल' हाबाफारिनि बाहागो महरै टकलाई बाबेजिया गामियाव दावबायहैयो आरो गामियाफोरिजों सावरायलायो आरो गामियाफोरिनि थाखाय मावफु'नाय जोगाखां हाबाफारिफोरिनि सुलु लाहैयो। मख 'नो गोनांदि 'गाव में गभर्नर'आ राइज्यो बेंगिरिजों



लाजानाय मोनसे हाबाफारि, जाहाथे सरकारी बिथांखिफोरा गामिफोराव लाबोनाय गुबै सोलायनायजों लोगोसे गामिफोराव थानाय मुलाम्फा मोनग्राफोरिनि सायाव बिथाड गिबिसिन नोजोरजों नायनो हायो। गावनि दावबायनाय समाव, राइज्यो बेंगिरिया गामिनि सुबुफोरजों सावरायलायो आरो गुबुन गुबुन सरकारी बिथांखिफोरखौ मावफु'नाय आरो बिथांखिफोरा गामिनि (□ 6 बिलाइआव)

उदालगुरियाव देहा सिबिथाय फोर्बोखौ लोब्बा लानानै नैथि साननि हाबाफारि खुंदों



उदालगुरि, 4 डिसेम्बर: राइज्यो नाडै देहा सिबिथाय फोर्बोखौ लोब्बा लानानै दिने नैथि साननि हाबाफारिया खुंजादों। मख 'नो गोनांदि, उदालगुरि जिल्लानि देहा सिबिथाय फोर्बोनि नैथि सानयाव गं 18 फाहामसालिफोराव नार्यबिजिरनाय जादों। भकटपारा राइज्यो देहा फाहामसालिफोराव उदालगुरि जिल्लानि पुलिस बिबानगिरि पुस्किन जैइनआ बाइजोआरि बेसेन थि खालामगिरि महरै बाहागो लाफेदों। हाग्रा बिफाननि (□ 6 बिलाइआव)

राइज्योआरि केबिनेट जथुम

आथिखालनिफ्राय राइज्योआरि जायगा, हटेल-रेस्टुरेन्टयाव मोसौ बेदरखौ होबथाबाय

गुवाहाटी, 4 डिसेम्बर: आसाम सरकारनि दिने खु'नाय केबिनेटयाव माखासे गोनांथार थांखि आजावनानै लानाय जादों। केबिनेटयाव दिनेफ्राय आसामनि जायखि-जाया हटेल-रेस्टुरेन्सफोरव मोसौ बेदर बाहायनो मोन्नाय नंलिया। समाजारि हाबाफारियावबो मोसौ बेदर बाहायनायखौ होबथाबाय। जेराव राइज्योआरि जायगायाव नो मोसौ बेदर जानाय एवा दिथिनो



मोन्नाय नंलिया। आगुयाव मन्दिरफोरनि 5 कि:मि: जाथ्यायनि सिडव मोसौ बेदरनि होबथानायखौ फोसावना होदोंमोन। नाथाय आथिखालाव आसाम नाडैनि बे थांखिया माफुजाबाय। मख 'नो गोनांदि, दिल्लीनिफ्राय भिडिअ कन्फरेन्सनि गेजेरजों केबिनेट जथुमयाव थांखि आजावनायखौ आसामनि गिबि मन्थि ड (□ 6 बिलाइआव)

निसिमा दख 'रा एबसुनि 35थि बोसोरसालिया जथुम्माया खुंफुंजाबाय

बड'लेण्डखौ जौगाहोनांगौब्ला बड'लेण्डनि मानास, राइमना आरो सिखोना जोहोलाव पार्कआव आयेन बेरेखायै हाग्रा सिफायनायखौ बन्द खालामथारनांगोन: खनिन्द्र बसुमतारी



कक्राझार, 4 डिसेम्बर: निसिमा दखरा दुलाराय बर' फरायसा आफादिनि खुंगा 35थि बोसोरसालिया जथुम्माखौ दखरानि सिडव थानाय मालिभिता गेलेग्रा फोथाराव 3 आरो 4 डिसेम्बराव साननैनि मेहेर गोनां हाबाफारिजों खुंफुंजाबाय। बे हाबाफारिनि गेवलां मेलाव हांखायनाय (□ 6 बिलाइआव)

बिजनीआव गाञ्जाजों लोगोसे सासे फालागिरिखौ हमदों

बिजनी, 4 डिसेम्बर: चिरानि बिजनी फुलकु मारियाव गाञ्जाजों लोगोसे सासे फालागिरिखौ हमनो मोनदों। मोनसे आनदो सुलुनि बिथाजों पानबारि पुलिस आरो एस एस बिन सिप्रोमनायाव गाञ्जाजों लोगोसे सासे फालागिरिखौ हमनो मोनो। हमनो मोन्नाय फालागिरिखौ रज्जत राय(52) होना मिबथि होदों। बिजनी महकु मानि सिडव थानाय फुलकुमारिनि थागिबि रज्जत रायनि न'आव पानबारि पुलिस आरो 15नं. बेटालिअन एस एस (□ 6 बिलाइआव)

कक्राझाराव लायन्स क्लबनि बान्जायनायाव थै दान होनाय बाद खुंदों



कक्राझार, 4 डिसेम्बर: 'थै दान होनाया जिउ दान होनाय' आयदाफारिजों नोंथाड दान होनाय थरथिसे थैआ गुबुन सासे सुबु'नो मोनसे गोदान जिउ गथायनो हायो। बे गेदेमा थांखि आजावनानै दिने कक्राझार 'लायन्स क्लब' आ एडसिडिफसि बेंकनि हेफाजाबाव कक्राझार (□ 6 बिलाइआव)

बड'लेण्ड मुलुगसोलोंसालि आरिमुगिरिफोरा आइआइएसएफ 2024 आव मानगोनां जुरि जर'खा मख'नाय बान्था मोननो हदों

कक्राझार, 4 डिसेम्बर: बड'लेण्ड मुलुग सोलोंसालिआ 30 नभेम्बरनिफ्राय 3 डिसेम्बरसिम आइआइएटि-गुवाहाटीआव खुंजानाय भारत हादत गेजेरारि बिगियान फोर्बो (आइआइएसएफ) 2024 आव जुरि स्पेसियल मेन्सन बान्था आरजिनानै मोनसे गोनांथार माइल खुन्थिया जाफुंसारनो हादों। डिएसिडि, सिएसआइआर, डिबिडि, आइएसिएआर आरो डिआरडिअजों लोगोसे मुंदांखा फसंथानफोरजों खुंजानाय मोनसे मुंदांखा प्लेटफर्म आइआइएसएफआ भारतनि



बिगियानारि साबसिन आरो मावो, जाय 'विकिसत भारत' बिरोदामिनारि आखा-फाखानि (जौगानाय भारत) नि मोनसे नेरसोन महरै खामानि नोजोरखौ बांहायो। मोनसे (□ 6 बिलाइआव)

गोखों थान्दै हान्जाखौ दैदेनानै, प्रफेसर सन्दिप दासआ जिब बिरोदामिन, बिफां-लाइफां, कम्पउटर साइन्स आरो बिरोदामिन, रासायन बिगियान आरो औवा फरायसं मिरुनि जानानै सा 12 मुंदांखा सोद्रोमाफोरनि मोनसे हान्जाखौ दैदेनदोंमोन। हान्जाया बिजिसस आरो गोदान दिहुन्थायनि मोनसे रुजुजायै गोरोबलायनायखौ दिथिदोंमोन, जाय कम्पउटर बिगियान आरो बिरोदामिन बिफानजों जौगाहोजानाय (□ 6 बिलाइआव)

देहा सिबिथाइ फोर्बो 3.0 नि नैथि सानआ जाफुंसारै जोबलांबाय



बिजनी, 4 डिसेम्बर: देहा सिबिथाइ फोर्बो (एसएसइड) 3.0नि दिने नैथि सान। गासै रायजोआरि देहा फाहामथाय फसंथानफोराव सिबिथाय होनायनि गुनखौ नार्यबिजिरनायनि थाखाय मोनसे गेदेर हाबाफारि। थानाय 3 डिसेम्बरनिफ्राय 5 डिसेम्बरसिम सोलिबाय थानाय देहा सिबिथाइ फोर्बो 3.0 आ गासै ओन्सोलाव देहा सिबिथायनि खाबुफोरखौ आरोबाव साबसिन खालामनायाव गोसो होयो। सानथांखि लानाय गं 34 (□ 6 बिलाइआव)

उसां दख 'रा गुदि देहा मिरुआ 'देहा सिबिथाय

फोर्बो 'आव 'ए' ग्रेड मोन्नो हादों

उदालगुरि, 4 डिसेम्बर: राइज्योनि देहा खोन्दीनि लुफुंथायखौ फोर्बोखानाय आरो गुण गोनां माननि सिबिथाय होनो थांखि आजावनानै आसामयाव थानाय 3 डिसेम्बरनिफ्राय थामथि खोलोबनि देहा सिबिथाय फोर्बोआ खुंजागसिनो दड। आसाम सरकारनि देहा बिफाननि बान्जायनायाव खुंजानाय देहा (□ 6 बिलाइआव)

मानासयाव अबर'-जिएसपिनि दैदेनगिरिफोरा खौरांगिरि मेल खुंदों

भबानिपुर, 4 डिसेम्बर: बिटिसिनि राजखान्थियाव गोबाव सान नाडै जानगाराव थानानै अबर' सुरक्षा समिति आरो गन सुरक्षा पाटि (जिएसपि) आ दिने मोनसे खौरांगिरि मेलयाव अबर' सुरक्षा समितिनि जन दास आरो जिएसपि दोलोनि लेडाइ आफादिगिरि आरो डिहिया बिबाबनि एमसिएएए, बिटिसिनि बारा' मावफुं सोद्रोमा घनश्याम दासमोनहा खौसे जाबाय होना फोसावना होयो। मख 'नो गोनांदि, मानास माहारियारि पार्कनि दालभि



कटेजयाव दिने खुनाय मोनसे खौरांगिरि मेलयाव अबर' सुरक्षा समितिनि नेहाथारि जन दासआ बुंदोंदि, बिटिसियाव बर' हारि नडे सुबुफोर (अबर') नि हारि, हारैखाथिनि जेनाया दिनेसिमबो जोबाखै। बिजेपि, बिपिएफ, कंग्रेस, इउपिपिएल बायदि गासैबो दोलोनि सरकारानो अबर'फोरनि जेनाखौ नेवसिदों। 2003 माइथायाव बिपिएलटि एबा हाग्रामा महिलारी दैदेन्याय सरकार दानायनि उनाव बिटिसिनि अबर' राइजो-

राजाफोरा जैरेबायदि गिखंथाव जेना सोमजिदोंमोन, बे जेनाफोरा आथिखालावबो जोबाखै। 2020 माइथायनि 27 जानुवारीयाव दुलाराय बर' फरायसा आफाद (एबसु), बिपिएलटि, एनडिएएफबि, बिपिएफनि गेजेराव बिटिआर रादायआ बिटिसिनि 22 लाख अबर'फोरनि थाखाय मोनसे थैनायनि फान्दायनाय सोमजिहोदों। अबर'नि हारि, हा, बिथा, राव, थुनलाइ, हारिमुखौ रेखाथि होनायनि सार्थयाव एबा (□ 6 बिलाइआव)

तामुलपुराव बेंगुरा सुबुंफोरनि थाखाय हेफाजाब मुवा-बेसाद रान्दों



तामुलपुर, 4 डिसेम्बर: मुलुगनां बेंगुरा सुबुंफोरनि सान फालिथायजों लोब्बा लाखिनानै दिने तामुलपुर आइजो आरो खुदिया जौगाथाय बिफान, जिल्ला खुंथाया जथाथै तामुलपुरनि आइसिडिएस मावख 'नि न'ब्लाडव मोनसे मेल खुनायनि गेजेरजों तामुलपुरनि माखासे बेंगुरा सुबुंफोरनो हेफाजाब होनाय मुवा-बेसादफोरखौ रानानै होयो। तामुलपुर जिल्लानि उफ्रा जिल्ला बेंगिरि कबिता फांचु, बिटिसिनि दरडजुलि बिबाबनि एमसिएएए बिजित गोरा नाजारी, तामुलपुर जिल्ला बेंगुरा (□ 6 बिलाइआव)

जपादं भगपारा पिजिआरआव हा गैजायै सुबुंफोरनो हा होनायनि मुडाव रां खानायनि अजद

मुसलपुर, 4 डिसेम्बर: बाकसा जिल्ला धमधमा जोगाखां खोन्दो बागानपारा बेंखन (साके'ल) 25 नं बागानपारा बिटिसि बिबाबनि बेन्दों आव थानाय जपादं भगपारा पिजिआर लेण्ड सेटेलमेन्ट कमिटिनि सिडव हा होनायनि मुंडे से बिगा हायाव नैजौ बाजि (250) रांडे रां खानायनि अजद सिखांदों (□ 6 बिलाइआव)

सुजुगिरिनि खोलोम

गोर्ले बैसोयानो आखल-आखु दानायनि थार सम

आथिकाल गोदो गोदायनि होन्नाय सम फैलिया, संसारनि खैरोम दैरोम थासारियाव थावरिबोनाय साफ्रोम सुबुंफोरनि गोर्लेआवनो दंसे आथिखाल मुगानि रोंगथि आरो मोन्दोथिया। गिदिर-उन्दै मान सनमाननि बिथिडव फारागथि लाखिनो आवबा थालानाय समाजआव नाथाय धोनि-गोरिब, जाम्बा-दुखि, रोंनाय-रोडै, गिदित-उन्दैनि फारागथि लाबोनाया जैरे बांबोदो गुबुन बिथिडैसमाजआरि गात्रि हुदाफ्राबो बांबोदो लादो। गावजो गावनि अनज्जालनायाबो सानफा एफा सुजुग सुबिधाखौ बिथा खालामानै सोलिनो लानाय एंगारनो हायै सैथोथिनि महर लादो। जाउनाव समाजआरि जिउ खुनाय लामायाव मोन्दस'हायै खहा लाबोदो।

सुबुं समाजआव लाइमोन बैसोनि इयुन दाफुनायानो जिउनि गोमो गोथां जाइखलं सिमांजो रन्साय जानाय। लाइमोन बुब्लियानो गावखौ सासे गोगो गेवलांसार ओंथि गोनां नोगोरारि दाना लानायनि थि सम। बे समाव बे खाबुखौ एरैनो हगारद्लाहरोब्ला गोमो गोथां इयुन जिउआ हांमा हांसायाव गफबनानै उन दाहायाव गोजावलांनंगोन। नाथाय दुखुनि बाश्रादि मोनथिखानानैब्लाबो खायफा लाइमोन जिउखौ थांखि गैयै खालामानै लानाय जिउनि लामाया खोमसि जालानायजो लोगोसे समाजनि बारहावाखौबो गुबुले खालामनो लादो।

आथिखालाव लाइमोन समाजनि गोबां सोद्रोमाफ्रानो बिषनि निसा गोनां ड्रागस न'खर आरो न'खरनि सुबुंफोरखौ आन्दोआव दोन्नाने लाखोमानाय हुदाफ्रा समाजखौ सिलिंखार खालामानै जुब्रा खालामनो लादोसै। बिष गोनां ड्रागस लानायजो लोगोसे बेरेखा जाथाय बिजाथायजो गिखंथाव महरनि एइस आइ भि, एइडसफोरबायदि बेरामनि मैहुर जानानायबो गमामा बयनिबो नोजोरावसै। गुबुन फारसे लाइमोन समनि गुदि हाबानिफ्राय दोरोदनाने आलादिडा जिउ खुनायनि लामा होसोनायाव सोलोंथाय बिथिडवबो ओन्सोल लायै ओन्सोल सोलोंथायनि थासारिया दुखुनांथाव जानो लादो। जाउनाव मान होनाय, अनज्जालनाय, अन्सायनाय, गोगो थासारि गासै बिथिडवबो आंखालनि बाहा लादो। बेफोर गासै जेनानि आंखालखौ फोलोमनो समाजआनो थोजासे नड। दा आरो इयुनखौ गोगोयै दाफुनो गासै थाखोनि सुबुं, आफाद, गौथुम आरो बाइदिसिना फसंथानफ्रानो बेनि सायाव गिलिद बिबान रुजुनायनि गोनांथि दंसे।

मेघालयआव चार्ल्सआ 2028 नि बिसायख'थिनि सिगां कंग्रेसआव हाबनो हागौ

गुवाहाटी, 4 डिसेम्बर: मेघालय राइज्यो कंग्रेस कमिटी (एमपिसिसि) नि आफादगिरि भिन्सेन्ट एइस पालाआ दाबि दैखाडोदि, राइज्यो तृणमुल कंग्रेसनि गाहाइ चार्ल्सआ पिरपनि 2028 नि बिथान सभा बिसायख'थिनि सिगां कंग्रेसआव हाबनायनि सन्देह दड। बेजो लोगोसे पालाआ बे बाश्रानिबो इसारा होदोदि, आगुनि सिएम मुकुल सांमाआ पिंग्रपनि गाहाम जानायनि उनाव हाबनो हागौ। पालाआ जानो हाथाव थांखिखौ बरायनानै बुडोदि, दोलो सोलायनाय आयंनखौ हेंथा होनायनि जाहोनाव पिंग्रपआ हाखु-दाखु हाबनो हानाय नड। नाथाय बिथाड 2028 आव हाबनो हागौ होना सन्देह फोरमायदो। बे समाव पालाआ बे बाश्राखौबो मख'थोदि, बियो नेम-खाथि बायदिदियै सासे लोगो महरै पिंग्रपजो लोगो हमदो। नाथाय गोबाव समनिफ्रायनो सांमाजो लोगो हमाखै। आथिखालाव



पिंग्रपआ कंग्रेसआव गावनि हाबनायनि सोमोन्दै सोमजिनय सान्निफोरखौ नेवसिगागानानै बियो पाठियाव थांफिन्नायनि सोमोन्दै सानाखैमोन होना बुडो। बियो कंग्रेसआव हाबनो थाखाय पाठिनि दैदेनिगिरिफोर आरो मावसुमाफोरनि नारसिनायाव जानाय बाश्राखौ सिमान लादो। नाथाय थाखानाय नेम-खाथिफोरनि जाहोनाव बे नारसिनायाव फेनो हानाय नड। 3 बोसोर सिगां टिएमसियाव हाबनायनि सिगां 13 बोसोरसिमाव कंग्रेसजो लोगोसे थाफानाय पिरपआ बुडोदि, कंग्रेसनि सिडाव मोजां दैदेनिगिरिनि गोनांथि दड। बिथाड



बुडो पाठिया बिसायख'थिनि गेजेरजो गावसोरनि राइज्योआरि आफादगिरिखौ सायख'नागौ। बेयो मोनसे हाबाफारि, जायखो गोबाव समनिफ्रायनो फालियाखै। बियो आफादगिरि महरै पालाखौ बायजोआव दिहुनायनि उनाव कंग्रेसआव हाबगोन होना सोंथि सोंनायाव पिंग्रपआ सोरजोबा लोगोसे खामानि मावनो गोसो जानायखौ फोरमायो। नाथाय रावबो रजखान्थि दोलोआ सोमोन्दो गैया आरो बियो गुबुन पाठियाव हाबनायनि सायाव सावरायाखै होना चार्ल्सआ बुंदो।

हिरा फालांगिरिआ गाहाइ मन्थि मदिनो नव भारत रत्न अन्थोब होदो

गोदान दिल्ली, 4 डिसेम्बर: मुंदोखा हिरा फालांगिरि आरो राइज्यो सभानि एमपि गबिन्द ढलकियाआ गाहाइ मन्थि नेरन्द मदिनो मोनसे जर'खा अन्थोब होदो। गबिन्दआ भारतनि गाहाइ मन्थिनो भारतनि मानसावगारि महराव दानख'जानाय मिथिगायारि हिराखौ अन्थोब होदो। बे हिराखौ नव भारत रत्न मुं होनाय जादो। गबिन्द ढलकियाआ मिथिगायारि हिराफोरखौ हिदुनग्रा आरो दैथायग्रा कम्पानि श्री रामकृष्ण एक्सपर्टस (एसआरके) नि गायसनगिरि-मासिगिरि। गाहाइ मन्थि मदिनो जाय नव भारत रत्न हिराखौ अन्थोब होदो, बेयो 2.120 केरेटनि आगोमा हिरा, जाय भारतनि खौसेथि, समायना आरो गोखो मोदानायनि नेसो। मख'जाथावदि, सुरतनि रोंगथि गोनां शिल्पगिरिफोर जोबोद गोसो होनानै आरो हाबा मावनानै बे हिराखौ बानायदो।



बे हिराखौ जोबथा महर होनायाव 3700 मिनिट सम नांदो। बेयो भारतनि समृद्धिनि नेसो'नल' नड, भारतनि गोजो इयुननि थाखाय बाउनाय मोनसे श्रद्धान्जलीबो। नव भारत रत्न हिराआ गोखो कारकिरि आरो बाउसोमनायनिबो गोथां फोरमान, जाय रत्न महरगिरि राजेशभाइ कछरिया भिशालभाइ इ ट ए ली य ए म ओ न ब ए डि एक्सपार्टफोरनि नाजानायनि उनाव मोखथां महर मोन्दो। मख'जाथावदि, राजेशभाइ कछरियाहा एसआरकेआव खामानि मावनायनि 14 बोसोरनि मोन्दोथि दड। बिथाड हिराआव भारतनि मान सावगारि एखनायाव 40 घन्ट सम नांदो। लोगोसेनो बिथाड गावनि बे हाबाफारिखौ सासे सान्थिनि जिउ बाउनायजो समान होना गनायदो। लोगोसेनो भिशालभाइ इटालीया एसआरकेआव 6 बोसोरनिफ्रायनो हाबा मावगारिसो दड। बिथाड हिरानि गिडलखौ 22 घन्टसिम सांफ्राडै पलिस खालामदो। बिसोर सानैनि गोब्राब नाजानायनि उनाव भारत रत्नखौ आबु महर होना थियारि खालामनो हादो।

मेघालयआव कटकी कमिटीआ खैला रोगाथाय नेमखाथिनि सायाव जिगा सिनाय फोरमायदो

गुवाहाटी, 4 डिसेम्बर: आजिग लानाय बिजिरगिरि बिपि कटकी दैदेनाय मोनसे सोद्रोमायारि कमिटीआ मेघालय सरकारनि खैला रोगाथायनिफ्राय बारा'नाय रहानि सायाव जिगा सिनाय फोरमायदो। गावसोरनि 26 थि एन्टेरिम रिपटआव कमिटीआ सरकारनि बै थांखिनि सायाव सोंथि दैखाडो, जेराव राइज्योनि बाइजोनिफ्राय खैलानि बिबांखौ फोरमायाखै, जायजो ट्रेन्सपर्टरफोर सिमना गैयै खैला जावखानो खुलायै रेहाय मोनो। कमिटीआ बे रेहायनि आदोनि जाहोनाखौ थि खालामनो आरो मोजाडै नायबिजिनो थाखाय खुंथायारि नायबिजिनयनि बाश्रा बुडो। बेयाव बुंनाय जायोदि, मेघालय जावखानाय नेमखाथि 2022 आरो सुबुंथियारि सालायनाय हाबाफारि (एसअपि), 2024 खौ गोखोडै फालिनयनि गोनांथि दडमोन। रिपटआव 19 नभेम्बरनि डिएमआर रिपट आरो बिफानारि फाइलफोरव थायनाय बाश्राफोरखौ फोरमायो, जेराव फोरमायनाय जायोदि, जावखानाय आरो हा बिगियान बिफानआ बिबांखौ रोखा खालामालासे मेघालयनि बाइजोनिफ्राय बांलादेशनो खैला दैथायहरनो गनायथि होदोमोन। रोगाग्राफोरनो मोजां मुलाम्फा होनो थाखाय बे थांखिखौ सावरायनाय जादो।

आडानी गुपआ साबसिनै जाकांबोनो हादो: रिपट

गोदान दिल्ली, 4 डिसेम्बर: आडानी गुपनि थाखाय आमेरिकानिफ्राय मोनसे मोजां खौरां सौफैदो। आमेरिकानि रिचार्स फार्म बार्नस्टीनआ गावनि रिपटआव बुंदोदि, आडानी गुपनि रंखाथि थासारिआ बै समनि रुजुनायाव साबसिन जाबोदो, जेब्ला हिडेनबार्ग रिचार्चनि रिपट सोराडाव फेनायनि उनाव जादोमोन। बार्नस्टीनआ गावनि मोनसे रिपटआव बुंदोदि, आडानी गुपनि सामलायगिरिफोर बन्दक दोन्नाय शेयारफोर गोखे दावखलायबोदो। लोगोसेनो कम्पानिआ खमसिन दाहरखो जुथायदो। बेजो थांनाय 2 बोसोराव गुपनि रंखाथि थासारिआ गोखो जानानै फेदो। रिचार्च फार्मआ बुंदोदि, गौतम



आडानीनि दैदेनायाव जेनाया 2 बोसोर सिगांनि रुजुनायाव खमसिन जानानै फेदो। मख'जाथावदि, हिडेनबार्ग रिचार्चआ जानुवारि 2023 आव गावनि रिपटआव आडानी गुपनि सायाव रंखाथि एकाउन्टफोरव गेनाखाथि आरो शेयारफोरनि बे सेनआव खम-बारा खालामनायनि दाय जाबसिन्दोमोन। बेनि उनाव आडानी गुपनि कम्पानिफोरनि शेयारफोराव गोबां दावखलायनाय फेदोमोन। गुपनि मार्केट केपआ दावखलायना खावसेयाव थाफेदोमोन। अदेबानि आडानी गुपआ हिडेनबार्गनि दाय जाबसिनयनिफ्राय बारा'नायाव जाफुंसार जायो। बेनि उनावबो गुपनि सायाव गेजेर-गेजेर गोबां दाय जाबसिनयनाय जादो। रिचार्च

कम्पानिआ बुंदोदि, रंखाथि बोसोर 2015-16 आउं गुपनि दाहारआव बेकनि शेयारिआ 86 जौखोन्दोमोन। नाथाय बेयो 2023-24 आव 15 जौखोन्दोल' जायो। बेनि अनगायै बन्दनि बाहागआ रंखाथि बोसोर 2015-16 नि 14 जौखोन्दोनिफ्राय बानानै 2023-24 आव 31 जौखोन्दो जायो। बार्नस्टीननि गनायनाय बादिब्ला, गुपनि नोगोद रं बाखिआवबो थांनाय से खावसे बोसोराव मख'जाथावै बांदो। मार्च 2023 आव बेनि नोगोर रं बाखिआ 22,300 कौटि रंमोन, जाय सेप्टेम्बर 2024 आव 39,000 कौटि रं जायो। रिचार्च फार्मआ गावनि रिपटआव बुंदोदि, आडानी गुपआ सिगांनि रुजुनायाव साबसिन जाबोदो। गुपआ गावनि शेयारखौ बन्दक दोनालासे खम दाहार जुथायनाय, दाहारखौ गथायनाय आरो साबसिन भेलुएसनजो लोगोसे जोबोद मोजां थासारिआव दड।

दिनैनि फान्जामुथि

राशि बाइदियै मुनि गिबि हांखो
मेघ: अल बुध: ऊब (उ ए इ) मिथुन: क छ (ड घ)
कर्कट: ड ह सिंह: म ट कन्या: प ठ (ण ष)
तुला: त र बृश्चिक: ब न धनु: ध भ (ङ फ)
मकर: ख ज कुम्भ: ग श (स) मीन: द च (ख ज झ)

- मेघ:** सान्नाय-हनाय खामानिया फेलें थांनो हागौ। मोजां खामानियाव आगान सुरतो नाड।
- बृष:** दिनैनि दिनाव खस्टफोर मोनो हागौ। जेखि जाया गोसोखौ हमथाना था।
- मिथुन:** जेखियानो मावा मुलाम्फा खालामनो हागोन। बे राशिनि थाखाय मोजां सान।
- कर्कट:** जेरावखि जाया मानो लोगोखौ मोनो हागोन। गोसोखौ गोजोन मोनगोन। मोजां सान।
- सिंह:** सुथुरफोरा जेनायाव खोखलैनो हागौ। फारफ्रोमथिबो सांफ्रा जानानै थांनगोन।
- कन्या:** जेबो जेना गैयाजासे रंजा-बाजा खालामनानै थानो हागोन। मोजां सान।
- तुला:** मोजां मोनलायनायाव अनलायनाय फेगोन। सोमोन्दो थानाया गोर जागोन।
- बृश्चिक:** गोसोखौ मानोबा उसु-खुथु मोनखानो हागौ। गोसोखौ हमथानानै था।
- धनु:** नख'राव मावाफोर जेना सोमजिनो हागौ। गोजोन्नायखौ मोनय नड।
- मकर:** बेफार फालांगि मावग्रानि थाखाय गाहाम सान। रंखावरि मुलाम्फा मोनगोन।
- कुम्भ:** बबेबा गोजान जायगायाव दावबाय हैनो मोनो हागौ। गोजोन मोनो हागोन।
- मीन:** दिनैनि दिनाव जेखि मावा मुलाम्फा खालामनो हागोन। मोजां सान।

आगरतला रैखाथि जाथाइनि उनाव बांलादेशआ भारतयारि हाइ कमिसनारखौ ट्रान्सफार खालामदो

गुवाहाटी, 4 डिसेम्बर : बांलादेशआ इस्कननि सासे दैदेनिगिरिखौ ग्रेप्टार खालामनायखौ लानानै बांनाय जेनानि गेजेरजो भारतयारि हाइ कमिसनार प्रणय भर्माखौ ढाकायाव ट्रान्सफार खालामो। थांनाय मंगलबारखालि मोनसे रैखाथि गोनां जाथाइनि उनाव बांलादेशनि गेजेरजो त्रिपुरयाव गावनि भिजा आरो कन्सुलार मावख'खौ बन्द' खालामनायनि माखासे घन्टाफोरनि उनाव बे थांखिखौ लायो। बे जेनाया बांलादेशआव हिन्दु बाडइ सुबुं अन्निमाफोरनि हेंथायै हिंसाजो लोबबा दडमोन। थांनाय मंगलबारखालि आगरतलायाव हिन्दु भिक्षु चिन्मय कृष्ण दासखौ ग्रेप्टार खालामनायनि हेंथायै गासै सा 50 सुबुंफोर धर्ना खालामो, जायफोरनि



गेजेराव माखासे बांलादेश हेफाजाबगिरिआ हाइ कर्टनि लांगोनायाव हाबो। ढाकाआ जायगानि पुलिसनि थासारिनिफ्राय बारा'नाय रहानि सायाव जिगा सिनाय फोरमायनानै बुडोदि, बे जाथाया मिशननि मावसुमाफोरखौ रैखाथि गैयै गोथी सान्नाय

हनायजो लोगोसे डगारना होदो। बेनि फिन्नायाव भारतनि गुबुन हादतयारि मावख'आ बे जाथायखौ गोथीयै उनदाहा खालामो आरो खोथा होयोदि, रजखान्थियारि आरो कन्सुलार स्मपतिफोरखौ जायखि-जाया थासारियाव नोजोर होनाड। सरकारा गोदान दिल्लीयाव

बांलादेश हाइ कर्ट आरो हादतआव गुबुन मिशनफोरनि रैखाथि बेब'स्थाखौ बांहोनो थाखाय थांखि लादो। भारतयारि हाइ कमिसनार प्रणय भर्माआ मोनसे जथुम्मानि उनाव बुडोदि, दरनै हादतफोरनि गेजेराव मोजां सोमोन्दो लाखिनाया मख'जाथावमोन।

एलायन्स एयारआ दावबायनायखौ बांहोनो थाखाय गुवाहाटीनिफ्राय जिरनि थाखाय थोंजो उरां जाहाज जागायो

गुवाहाटी, 4 डिसेम्बर: सासे बिबानगिरिनि बायदिब्ला, एलायन्स एयारआ आसामनि गुवाहाटीनिफ्राय अरुणाचल प्रदेशनि जिरनि थाखाय सप्ताहफ्रोमबो गंनै उरां जाहाज सालायनो फोसावो। लआर सुबनसिरिनि डिपुटि कमिसनार विवेक एइसपिआ बुडोदि, नख'परि उरां जाहाजखौ समबार आरो बुधवारआव सालायनाय जागोन। बे फ्लाइटआ गुवाहाटीनिफ्राय सान्जौफुनि 12:10 रिगायाव बिगोन आरो सान्जौफुनि 1:25 रिगायाव जिर सौहैगोन। बेराफारसे जिरनिफ्राय फेफिन्नाय फ्लाइटआ सान्जौफुनि 1:50 रिगायाव गुवाहाटीनि थाखाय रावना होनानै 3:05 रिगायाव बेयाव

सौफेफिन्गोन। बिथाड बुडोदि, जिरआ गावखो एमआइसिइ दावबायग्रा जायगा महरै गायसन्दो आरो गुवाहाटीनिफ्राय जिरनि थाखाय थोंजो उरां जाहाजफोर जागायनायजो हायेनाव दावबायनाया बांनोन। एमआइसिइ दावबायग्रा जायगाया जथुमाफोर, हाबाफारि, सम्मेलन आरो नायगिरिफोरखौ बरायनो थाखाय सायख'जानाय सहर आरो ओन्सोल। बिथाड बे बाश्रानिबो मिजि होदोदि, बेयो नोगोरारिफोरखौ खम समाव गिदिर सहरफोराव दावबायनो थाखाय जर'खा फाहामथायनि गोनांथिफोरखौ होनायावबो जाफुंसारगोन।

NAME CORRECTION

- THAT, I am the citizen of India by birth and permanently residing at above mentioned address.
- THAT, my actual / correct name and surname is **HATHARKHI BRAHMA**, which is recorded in my Aadhaar Card, Vide Card No.- **9907 5589 3136**, PAN Card, Vide Card No. **AVNBP99999B** and other relevant documents.
- That, in the Land Documents/ Periodic. Khiraj Patta, covered by Dag No.- **71**, Patta No.- **75**, situated at **Hatirmatha** under Kokrajhar Revenue Circle, Dist. Kokrajhar, BTR Assam, wherein my name and surname has been recorded as **HAOKI BRAHMA** instead of **HATHARKHI BRAHMA**.
- That, I do hereby declare that **HATHARKHI BRAHMA** and **HAOKI BRAHMA** is the same and one identical person, who is none other but myself.
- THAT, I am swearing this affidavit to ascertain the above facts and to produce before the concerning authority to avoid the confusion and also to rectify / correct regarding my name and surname as stated above and for doing needful accordingly.

All the statements made in Para 1 to 5 of this affidavit are true to the best of my knowledge, belief and information

Hatharkhi Brahma

बोजबनानै लाजानाय 5 स्टार दै सामलायग्रा आफादसिम कक्राझार जिल्ला बेंगिरिआ दावबायहैदों

कक्राझार, 4 डिसेम्बर: कक्राझार जिल्लानि सिडव थानाय कक्राझार खोन्दो नं 1 पाब्लिक हेल्थ इन्जिनियरि बिफान (पिएडसईडि) नि बेन्दोंआव थानाय जल जीवन मिसननि खाब्रिकला सालझार हासुं दै जगायथाय बिथाखिखौ थांनय नभेम्बर दानआव कक्राझार जिल्लानि जिल्ला बेंगिरि मासान्दा पातिनआ नायगिदिहैयो। खाब्रिकला सालझार हासुं दै जगायथाय बिथाखिखौ जिल्ला बेंगिरि पातिननि मोनसे बोजबनानै लाजानाय 5 स्टार दै सामलायग्रा आफाद, जायखौ जिल्ला बेंगिरिजों लोगोसे गुबुन गुबुन जिल्ला खुंथायनि मावख 'गिरिफोरबो मोनफाये जल जीवन मिसननि बिथाखिफोरखौ बोजबनानै लादों। जिल्ला बेंगिरि पातिनआ



गावनि बोजबना लानाय बिथाखिआव दावबायनानै दै सामलायग्रा आफाद, दै आन्जाद नायग्रा सा 5 आइजोफोरनि हान्जा, आसा मावख 'गिरि, अंगनबादी मावख 'गिरि, गामि बेंग्रा आरो गामिनि सोद्रोमाफोरजों लोगो हज्मलायनानै 5 स्टार दै सामलायग्रा आफादनि सोमोन्दै गोथौयै आरो गुवारै सावरयलायो।

जेराव बिथाड सानसेआव दै जगायनायनि नेमखान्थिनि सोमोन्दै, दै मोनयनि बिबान, दैनि गुन, दै सामलायग्रा आफादनि जोरथाय सम आरो दैनि बेसेन लानयनि सायाव गुवारै सावरयलायो। बे दावबायनाय हाबाफारिआव

कक्राझार खोन्दो नं 1 पाब्लिक हेल्थ इन्जिनियरि बिफाननि कक्राझार दालाड खोन्दोनि मावख 'गिरि अनिरबान बरा, मावख 'गिरि हाइना ब्रह्म आरो जिल्ला क-अर्डिनेटर साबायख 'र बसुमतारि मोनहाबो बाहागो लाफायो।

हिंसानि गेजेरजों मणिपुर सरकारा बास सिबिथाइखौ जागायनो थांखि लादों

इम्फल, 4 डिसेम्बर : मणिपुराव हिंसायारि जाथायाव दावखलायनायनि गेजेरजों सरकारा राइज्योआव बास सिबिथाइखौ जागायनो थांखि लायो। बे बास सिबिथाइया बुधबारखालि राजथावनि इम्फालनिफ्राय हाजोयारि जिल्लाफोरसिम जागायजेनो। थांनय 19 दानआव हिंसानि गेजेरजों बे राइज्योयारि हान्था मेला बेब 'स्थाखौ सोलिहोनायनि नैथि नाजानाय। पुलिस बेबस्थाजों लोगोसे बे बास सिबिथाइखौ जागायगोन। सरकारा सुबुंफोरखौ हेफाजाब होनो आर'ज गबदों। मणिपुरनि गाहाड नेहाथारि विनीत जशिआ मोनसे बिथोनाव बुडोदि, राइज्यो सरकारा रैखाथि हान्जाफोरनि जाफुंसारनो हानाय,



नेम-खान्थि आरो गुबुन-गुबुन एजेन्सिफोरनिफ्राय मोनसे खौरं रांजों लोगोसे राइज्योआव आइन-बेब 'स्थाथि थासारिखौ नायबिजरदों। बेयाव थोजासे बिबांनि रैखाथि हान्जा थिसनायजों लोगोसे समाजयारि हान्था-मेलाखौ सोलिहोफिनो थांखि लादों। बुधबारनिफ्राय इम्फल सेनापतिसिम आरो बिष्णुपुरनि लामाजों कांपकपि

आरो इम्फालनिफ्राय चुराचान्पुरसिम बास सिबिथाइखौ जागायगोन। सुलुडाव फोरमायनाय बायदिल्ला, इम्फाल हायेनाव

मेतेइ, कांपकपि आरो चुराचान्पुराव कुकि आरो सेनापतियाव नागा गोबां थागिबिफोर दड। सरकारा राइज्योयारि हान्था-मेलायाव हेंथा सोमजिहोरा बिग्रायारिफोरनि हेंथायै गोखोडे नायबिजरनायनो बाश्रा बुडे। सुलुडाव फोरमायनाय बायदिल्ला थांनय बोसोरनि डिसेम्बर दानावबो मणिपुर सरकारा बास सिबिथाइखौ जागायनो नाजादोंमोन। नाथाय उनाव बे सिबिथाइखौ बन्द' खालामनांदोंमोन।

मणिपुर पुलिसआ काकचिंआव पिडब्लिउजिनि साब्रे मावसुमाफोरखौ ग्रेटर खालामदों



मणिपुर, 4 डिसेम्बर: मणिपुर पुलिसआ काकचिं जिल्लाजों होबथाजानाय आपाद कॉलेइपाक कयुनिट पाटिनि साब्रे सोद्रोमाफोरखौ ग्रेटर खालामदों। 4 डिसेम्बरखालि फोसावनाय सासे बिबानगिरिनि फिनजाथाइनि बादिब्ला, बिसेर सुबुंफोरखौ जर-जुलुमै लुटिनाय आरो आइन बेरखायै हाथियार लानायनि एबा दोनानयनि दायआव ग्रेटर खालामनाय जायो। साब्रेखौ समबारखालि काकचिं जिल्लानि सिडव थानाय लामखाइ ओम्सोलनिफ्राय ग्रेटर खालामनाय जादों। ग्रेटर खालामनाय सुबुंफोरखौ संघम प्रेमकुमार सिंह लिकाइ (45), सैखम सिदान सिंह (33), नंमेतेम हरिदास सिंह (56), खुन्डाबम तम्बा सिंह (40) मुडे सिनायथिनाय जायो। साब्रेखौ काकचिं जिल्लानि सिडव थानाय काकचिं लमखाइनि थागिबि सुबुंफोर। फिन जाथायाव बुनाय बादिब्ला, बिथामोनहर जर-जुलुमै लुटिनाय आरो हाथियारफोरखौ आइन बेरखायै दोनयाव दंफायोमोन। 'बिसोरनिफ्राय मेगजिन, गुलि-बारुद, गंभा मबाइल फन, केसिपि पिडब्लिउजिनि दाबिनाय लाइजाम आरो केसिपि (पिडब्लिउजिनि) नि मोन 80 टेक्सनि लांदों रिसदखौ जन्द खालामदों। बेनि गेजेराव मणिपुर सरकारा राइज्योआव हिंसायारि थासारि खम जानायनि गेजेराव बुधबारखालि इम्फालनिफ्राय हाजोआरि जिल्लासिम गोखौ रैखाथिनि गेजेराव फिन जिल्ला सिंआव राइज्योआरि गारिफोरखौ सालायहोनो थांखि लादों।

फोरमायथि गोनां फोसावथाय		
सा-सान्जा सिमना रेलवेआव 2024-25 बोसोरनि थाखाय दानबाथा थाखो-2 (ग्रेड पे 1900/-) आव हरिसुवारि क'ता (गेवलां फोसावथाय) नि सिडव थिसन्थाय (इएन-02/2024)		
सा-सान्जा सिमना रेलवेआव 2024-25 बोसोरनि थाखाय गाहायाव फोरमायनाय मोन 02 मासि (थाखो-2 गुप-सि-मोन 02 मासि) सुफुंनो थाखाय भारतआरि नोगोरि गोनां हारोंथाय गोनां बिजाथिनिफ्राय आर'ज लाइ हांखायहरदों।		
फारिनं.	हारिसुवारि रंग थि	मासिनि अन्ज्या
1	गिरा दामगिरि	01
2	फावथाय महरगिरि	01
आर'ज खालामनायनि फोसोयजेनाय अक्ट': 05/12/2024		
आर'ज खालामनायनि जोबथा अक्ट': 04/01/2025		
नायनो गोनां: आन्दामान आरो निक'बार द्विप, जम्मु काश्मीर, लाहौल आरो स्पति जिल्ला, हिमाचल प्रदेशनि साम्बा जिल्लानि बांगि महेकुमा, लखरदिप आरो गुबुन शदतआव थानाय बिजाथिफोरनि थाखाय जोबथा अक्ट'आ 14/01/2025।		
आर'ज खालामनायि सा-सान्जा सिमना रेलवेनि वेबसाइटआव आबुं फोसावथायखौ नायनो हागोन: www.nfr.indianrailways.gov.in - General Info-Recruitment Notification (Sports, Scouts & Guides and Cultural)-Recruitment against Cultural Quota.		
सिनियर मावफारि बिबानगिरि (गाहाड मावखुलि आरो थिसन्थाय), मालिगाव		
सा-सान्जा सिमना रेलवे		
मिनिल्लुथे बायगिरिफोरसिम सिबिथाय		

No.UDB/Tender/01/2022-23/ Date 03/12/2024

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequence to be converted and drawn up in the printed of F-2 form are invited from the registered contractors of Class -II and Class -I (A, B & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 during 2024-25 & other financial years as stated below. The tenders will be received by the undersigned up to 12.00 Noon on 30/12/2024 and will be opened on the same date & place at 2.00 P.M.

Sl. No.	Name of work	Tender Amount (In Lakhs)	Cost of Tender Paper	Time of Completion of Work
1	Const. of community toilet at Christianpara Bishnu Mandir under 15 ASFC	10,47,960.00	Rs. 500.00	3 (three) months from the issue of Formal Work Order
2	Const. of community toilet at Hatkata Bathou Mandir under 15 ASFC	10,47,960.00	Rs. 500.00	3 (three) months from the issue of Formal Work Order
3	Const. of community toilet at Thekarabari Namghar under 15 ASFC	10,47,960.00	Rs. 500.00	3 (three) months from the issue of Formal Work Order
4	Const. of community toilet at Member Basti Bathou Mandir under 15 ASFC	10,47,960.00	Rs. 500.00	3 (three) months from the issue of Formal Work Order
5	Imp. of St Teresa English School Playground under Udalguri District under SYW	6,00,000.00	Rs. 500.00	3 (three) months from the issue of Formal Work Order
6	Repairing of Harisinga Sports Association Office Harisinga under Udalguri Dist under SYW	8,00,000.00	Rs. 500.00	3 (three) months from the issue of Formal Work Order
7	Renovation of Phukhrifar Jarafagla Club Office under Udalguri Dist under SYW	7,00,000.00	Rs. 500.00	3 (three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 04/12/2024 to 30/12/2024 in the office of the undersigned on payment. Sd/- Block Development Officer, Udalguri Dev. Block

IPR(BTC)/C/2024-25/1003

No.TBDB/SPD/54/2024-25/719 Dated, the 25th Nov/2024

SHORT NOTICE INVITING TENDER

Sealed tender affixing non-refundable court fee stamp of Rs.8.25 (Rupees Eight & paise twenty five) only by the B.D.O Tihu-Barama Development Block, as per instruction of the i/c Addl. Director Cum CHD TA(P) Deptt. BTC, Kokrajhar, and against the Administrative Approval by the Secretary, Tribal Affairs Department, BTC Kokrajhar, vide no BTC/TA-454/2024/86, 87, and 88 from the Govt. registered contractor / Firm of appropriate class with sound financial background fulfilling the eligibility criteria for execution of the different works as shown in the NIT, Terms & Conditions Paper. Details may be seen at the office notice board. Tender papers may be obtained from the office of the undersigned on any period mention working day on payment of non-refundable Rs. 400.00 (Rupees four hundred) only in cash for each act of tender paper.

Period of collection of Tender documents	To be obtain from the office of the BDO Tihu-Barama on any working days/ hours up to 4.00PM from 26/11/2024 to 16/12/2024				
Last date and time for submission of tender	Sealed tenders in prescribed format for every individual work will be received by the office up to 2.00 PM on 16/12/2024				
Date & time of opening of tender	The sealed tenders will be opened at 2.30 PM on 16/12/2024				
Name of Works	Sl. No.	Name of Schemes	A.A Value of Works (Rs.)	A.A Value of Works (Rs.)	Time of Completion
	1	Improvement of Road from Koklabari L.P School to Chanakya Baro house at Koklabari under Koklabari VCDC.	5,00,000.00	5,00,000.00	60days
	2	Improvement of Road from Anandapur Durga Mandir to Kameswar Rajbongshi house at Anandapur at Debachara VCDC	5,00,000.00	5,00,000.00	
	3	Construction of RCC cover Drain with 1 no HPC Culvert at around Dalbari outpost under Baksa District.Under Koklabari VCDC.	12,00,000.00	12,00,000.00	
Earnest Money	The Contractors / Farms have to enclosed 2 % Earnest money (1% for ST/SC) with the tender papers in the form of CDR.FD.DD to be drawn in favour of B.D.O Tihu Barama Dev. Block, payable at Barama				
Tender Fee	0.03% Tender fee is to be drawn in the form of Demand Draft in favour Principal Secretary B.T.C Kokrajhar, Payable at SBI, Kokrajhar.				
Eligibility criteria(Minimum)	The Contractor should have the experience of having successfully completed similar works during the last 5 years. All current up to date Licences and relating papers are to be enclosed				

Tender not accompanied by the Earnest Money Deposit (EMD) is liable to be rejected. Sealed tender in the prescribed tender form shall be addressed to the Block Dev. Officer Cum Chairman, Tender Committee, Tih-Barama Dev. Block, Barama, Dist. Baksa, P.S.- Barama, PIN-781346, Assam. Tender received after above date & time will not be accepted. The undersigned reserve the right to issue the tender papers to the tenderers and to accept or reject/ cancel any or all the tenders if the situation compels to do so without assigning any reason thereof and DOES NOT BIND HIMSELF TO ACCEPT THE LOWEST QUOTED RATE OF TENDER.

UNSEALED TENDER WILL SUMMERILY BE REJECTED.

Sd/- Block Dev. Officer Cum Chairman, Tender Committee, Tihu-Barama Dev. Block

IPR(BTC)/C/2024-25/1001

फैगौ 6 डिसेम्बरनिफ्राय बाजेटनि सिगां सुबुरन जथुम्माया जागायसिगोन

गोदान दिल्ली, 4 डिसेम्बर : रांखान्थि मन्थि निर्मला सितारमनआ फैगौ शुक्रवार 6 डिसेम्बरनि सिगां आलादा-आलादा बाहागोफोरजों लोगोसे बाजेटनि सिगां सुबुरुन जथुम्माया जागायसिगोन। बे आबुं हाबाफारिनि गेजेरजों रांखान्थि मन्थिया फैगौ 6 डिसेम्बराव मुंदांखा रांखान्थिगिरिफोरजों लोगो हमगोन। रांखान्थि मन्थिया बे समाव सोलिफु रांखान्थि बोसोर (2024-25) नि नैथि 3 दाननि गेजेराव जिडिपिनि ब्रैथि 3 दाननि बयनिखुइ



गाहाय थाखो 5.4 जौखोन्दो थानायनि गेजेरजों फैगौ बोसोरारि दिथिनो गोनां बाजेटनि सोमोन्दै बिसेरनिफ्राय सुबुरन लागोन। बेनि उनाव 7 डिसेम्बराव आबादारी आफादफोर, आबाद रांखान्थि जर'खागिरि, लघु आरो

मझले उघम सेक्टरनि थान्दैफोरजों लोगोसे रांखान्थि मन्थिनि जथुमा जागोन। मिरुयारि रांखान्थि बोसोर 2025-26 नि थाखाय मिरुयारि बाजेट दिथिनो हागोन। निर्मला सितारमणनि गेजेरजों दिथिनो गोनां बेयो लांथिथै 8 थि बाजेट जागोन। बेजों लोगोसेने बेयो

गाहाइ मन्थि नरेन्द्र मदिनि दैदेन्याय एनडिए सरकारनि 3थि हाबा मावनाय समनि नैथि एर्ण बाजेट जागोन, जाय फैगौ 2047 सिमाव जौगाखां भारतनि थांखिखौ मोनफुंनो थाखाय लामा दिथिगोन। बे बाजेटनि आगुनि सुबुरुन जथुमाया फैगौ 30 डिसेम्बराव भारतयारि इन्डास्ट्रीनि मुंदांखा आरो सशेल सेक्टर, जर'खायै एजुकेशन आरो हेल्थ मुंदांखाफोरजों लोगोसे सुबुरुन लानायजों लोगोसे जोबना थांगोन। रांखान्थि मन्थिहा लेबार गुप, फाइनेन्सियल सेक्टर, सांभिस सेक्टर बायदिफोरजों लोगोसे जथुमा जागोन।

महिन्द्राया इलेक्ट्रिक गारिफोर फान्नायनि सायाव रोखा खालामदों

गोदान दिल्ली, 4 डिसेम्बर: महिन्द्र एन्ड महिन्द्राया बावैसो सिगां गंने गोदान इलेक्ट्रिक गारि बिड 6 इ आरो एक्सइभि 9 इ खौ लन्व खालामदों। बे मोनैबो इलेक्ट्रिक एसइडिभि डिडिभारिया 2025 आव जागायगोन। महिन्द्रानि फारसेनिफ्राय गोखौ इलेक्ट्रिक एसइडिभिखौ लाबोदों। महिन्द्राजों थोंजों टाय मटर्सआ बादायगोन। बे समाव सुबुंफोरनि गेजेराव सोंथि सिखादोंमोनदि, महिन्द्रायाबो इलेक्ट्रिक गारिफोर फान्नायखौ बबेबा गोदान लिडारशिपनि गेजेरजों खालामगोन नामा? जैरै- मारुति सुजुकिया ऐरेना आरो नेक्साजों खालामो। मारुतिआ गावनि प्रिमियाम



फान्नायखौ नेक्सानि गेजेरजों फानो। फारसेथिं टाय मटर्सआ इभि मडेलखौ फान्ना थाखाय मोनसे आलादा सेल चेनेल गायसन्दों। अदेबानि बेनि

फिन्यायखौ कम्पानीनिफ्राय होदों। गावनि इलेक्ट्रिक गारिफोरखौ आथिखालनि नेटवर्कजोंनो फानगोन होन्ना महिन्द्राया बुंदों। महिन्द्रा एन्ड

महिन्द्रानि सासे जौसिन बिबानगिरिया बुंदोंदि, कम्पानीआ ग्राहकफेरनो दाबसे जायगायावो गारिफोरखौ अफानखौ होनो सान्दों। एम एन्ड एमनि अट' आरो आबाद सेक्टरनि सिइआ राजेश जेजुरिकारआ बुंदोंदि, गावसोर सेल चेनेलखौ मोनसेयेनो दोनो सान्दों, जाहाथे ग्राहकआ आइसिइ आरो इबिनि गेजेराव अफान मोनो हायो। मख 'जाथावदि, टाय मटर्सआ इभि मडेलखौ फान्ना थाखाय मोनसे आलादा चेनेल गायसन्दों। गोदानै दिथिन्याय इभि मडेल- बिड 6 इ आरो एक्सइभि 9 इनि डिडिभारिया फैगौ बोसोरनि फे बु'वारी- मार्च आव जागायनायनि आसा दड। कम्पानीआ बे समाव बाजारव मोनसे इलेक्ट्रिक मडेल- एक्सइडि 400 खौ फानो।

AUCTION NOTICE

In pursuance to the decision of the Condemnation Board for auction on unclaimed/ condemn vehicles/ two wheelers which are presently lying at premises of Serfanguri PS, Kachugaon PS, Karigaon OP and Balajan OP of Kokrajhar DEF will be sold in open Public Auction as per details i.e. date, time, place mentioned below.

UNCLAIMED/ CONDEMN VEHICLES/ TWO WHEELERS FOR AUCTION AT KOKRAJHAR DEF

Sl. No.	Name of PSs/ OPs	Quantity in Nos.	Proposed Date/ Time/ Place of Auction
1	Serfanguri PS	23 nos.	Date - 10/12/2024 Time - 11:30 AM Place - Serfanguri PS
2	Kachugaon PS	34 nos.	Date - 11/12/2024 Time - 11:30 AM Place - Kachugaon PS
3	Karigaon OP	29 nos.	Date - 12/12/2024 Time - 11:30 AM Place - Karigaon OP
4	Balajan OP	16 nos.	Date - 13/12/2024 Time - 11:30 AM Place - Balajan OP

The intending bidders may participate in the open bid depositing Rs. 2,000/- (Rupees Two thousand only) in the bank draft in favour of the Superintendent of Police, Kokrajhar as security money prior to taking part in the auction. The Terms and Conditions are same as before. For details please visit to SPs office, Kokrajhar in all working days.

Janasanyog/C/4726/24/5-Dec-24

Sd/- Superintendent of Police, Kokrajhar :: Assam

रुटि सावनायाव बाहायग्रा चिमटेखौ इंराजिआव मा बुडे ?

जों सामफ्रोमबो गोबां रोखेमनि मुवा-बेसादफोरखौ बायदि खामानियाव बाहायो। नाथाय बेफोरनि सायाव नोजोर होया एबा बेयो माबोरै बेबायदि महर मोनखो एबा बाहायजाबोखो बेफोरखौ मिबथिया। ओंखाम संग्रायाव हाबोब्ला गोबां रोखेमनि संनायाव बाहायग्रा मुवाफोरनि अनगायै दो-दोख्ला, थोरसि-सामुसफोरनि अनगायैबो गोबां मुवाफोरखौ नुनो मोनो। मख'जाथावदि, ओंखाम संग्रायाव बाहायग्रा माखासे मुवाफोरनि मुंखौ जों रोखायै



मिबथिया। बिब्दिनो जों रुथि नानायाव बाहायग्रा, सावनायाव बाहायग्रा गुबुन गुबुन आइजेंखौबो बाहायो नाथाय बेफोरनि मुंखौ मिबथिया। रुटि

सावनायाव एबा रुटि हमनानै बेरथायग्रा मुवाखौ जों चिमटे एबा इंराजीयाव टंस होन्ना मिबथियो। अदेबानि रुटि नानायाव बाहायग्रा बेलन-

चकलेखौ जों मा बुंगोन ? नोंथाड बेनि फिन्नाय होनो हागोन नामा ? इंराजीआव रुटि नाग्रा दाब्लां खामफलाय बायदि गुवार -दुलुर मुवाखौ रलिं बर्ड होन्ना बुडे आरो रुटि नाग्रा गनखौ रलिं पिन होन्ना बुडे। बेनि अनगायै जाय थावायाव जों रुटि सावो एबा फोमोनो बे सारायखौ इन्डियन फ्राई पेन होन्नाय जायो। बिब्दिनो सुबुंफोरजों गोबां बाहायजाग्रा पलटा आरो चमचाखौ इंराजीआव लेडल आरो स्किमार एबा टर्नर होन्ना बुडे।

मणिपुरआव आइजोफोरनि मोनसे हान्जाया आइन बेरेखायै जौ फान्नायखौ सिग्रोमदों

इम्फल, 4 डिसेम्बर: मणिपुरनि थौबालआव आइजोफोरनि मोनसे गोखौ हान्जाया आइन बेरेखायै जौ फान्नायखौ नोजोर होनो थाखाय मोनसे मिशन सालायदों। जेराव पुलिसनि गनायथि लानानै सिग्रोमनाय जायो आरो जौनि बटलफोरखौ सिलिंखार खालामनाय जायो। आइन बेरेखायै जौ फान्नायनि सोमोन्दै राइज्योनि आबकारि बिफाननि पेसिभिटिजों जिगायाव गोलैनाय मणिपुरनि आइजो हान्जानि जुथाइ कनस्टिटुडसनेल कमिटिनि खुनाइ कानबा अपुनबा मिरा पेबि लुपआ समबारखालि मोनायाव थौबाल बाजारनि माखासे जायगाफोरव सिग्रोमो आरो माखासे बोसोरनिफ्रायनो



ओन्सोलाव आइन बेरेखायै जौ फान्नायखौ नायबिजिरनायाव एक्टिभ महरै दंफायो। जायगानि बाजारफोराव 10 लाख रॉनिखुइ बांसिन बेसेननि भारतआव बानायनाय गुबुन हादतनि जौ आरो 200 निखुइ

बांसिन बटलफोरखौ जब्द खालामदों। जब्द खालामनायाव ब्रान्डेड जौनि गोबां बटलफोर आरो गुबुन फेग्रा बेसादफोरखो दंफायोमोन। सिग्रोमनायनि गेजेरजों थौबाल बाजारनि सइबम इबटिनिब मुंनि

सासे फानग्रा सुबुंखौ हमनाय जादों। बिथाडा जौनि गला होयोमोन। बिथानि गलानिफ्राय माखासे फेग्रा बेसाद आरो आइन बेरेखा मुवा-बेसादफोरखौबो बोखांनो हायो।

खेल महारनआव साइक्लिंआव सा 100 निबो बांसिन बादायारिफोरा बाहागो लादों



नगाव, 4 डिसेम्बर: गेलेमु आरो लाइमोन अन्साय बिफानजों बान्नायजानाय खेल महात्सवनि नैथि सिजनआ बारहामपुर बियाबआव खुंजादों। जेराव डबकानिफ्राय सरुपथारसिम फोनांजाबनाय कातियाटलीआव एथलेटिक्स, फुटबल आरो काबाडिखौ लानानै साइकेल सालायनायजों लोगोसे गुबुन गुबुन इभेन्टफोर बान्नायदों। नगइपाम गामि पन्चायतआव खुंजानाय गेलेमुफोराव आजिरा मोन्नाय फोरोंगिरि आरो समाज सिबियारि मुकुल शइकियाआ साइकेल सालायनाय बादायनायजों लोगोसे गुबुन गुबुन इभेन्टनि हाबाफारिखौ बेखेवदों। साइकेल सालायनाय इभेन्टआव सा 100 निबो बांसिन बादायारिफोरा बाहागो लादों। जेराव गावसोरनि देहा, थुलुंगा आरो गेंगथिफोरखौ लानानै बादायारिफोरा बे इभेन्टआव सेलेन्ज होज्जलायदों।

महिन्द्रा आरो इन्डिग 'नि गेजेराव '6 इ' नि केसआ कर्टआव सौहैबाय

गोदान दिल्ली, 4 डिसेम्बर : महिन्द्रा एन्ड महिन्द्रा (एमएन्डएम) आरो इन्डिग' एयरलाइननि गेजेराव '6 इ'खो लानानै बेले-बेले सोमजिदों। इन्डिग'आ थांनाय 18 बोसोरनिफ्रायनो गावनि डिजाइनर कड महरै '6 इ' बाहायबोदों। फारसेथिं महिन्द्राआ बावैसो सिगां गने इलेक्ट्रिक कार बिइ 6 इखौ आरो एक्सइभि 9इखौ लाबोदों। बेफोरनि मोनसे मडेलनि मुंआव 6 इखौ बाहायनायनि उर्ननिफ्राय ट्रेडमार्कखौ सिमफायनायनि दाय जाबसिन्नाय जादों। महिन्द्राया बुंदेंदि, बियो बे जेंनाखौ आबुडै सुखानायनि थाखाय इन्डिग'जों सावरायगासिनो। फारसेथिं इन्डिग'आ महिन्द्रानि बे



दाबिखौ नेवसिनानै बुंदेंदि, गावसोर 18 बोसोरनिफ्रायनो गावनि डिजाइनर कड महरै 6इखौ बाहायबोदों आरो जायखि जाया महरावनो बेखौ सिमफायनाया बिखौ मोनहोदों। बे समावनो मोनसे खौरां सफै दोंदि, इन्टरगलब एभिएसनआ 6 इनि बाहायनायखौ लानानै गारि कम्पानो एबा एम एन्ड एमनि

इंजालि गथ'फोरनि सौरा

लाथुमख 'हायि अननायनि नेरसोन

- सविराम बर' राबां, बागसा

जोनोम आरो उजिनयनि जेवारि फोजोनानै होनो लुबैयो लाथुमख 'हायि अननायनि नेरसोन।

लैथोनि रुगुंसिम

- दैथुन बसुपतारी बिजनी

सिगांनाय आं बे लैथोनि रुगुंसिम, हागोनदा आं मोननो बै गोसोनि हाबिलाखौ लैथोनि फैलासेमखौ सौसि लानानैब्लाबो नाजागोन आं मोननो बै लैथोनि रुगुंखौ। सेर फाखाय-फाखाय थैनि आबिरजों गेलेनाय बायदि सारअन्थाय, अखा, बारहुंखाखौ नेवसिनानैब्लाबो आंनि जिउआ जोबनानै थांब्लाबो नाजागोन आं मोननो बै लैथोनि रुगुंखौ। थिवरिया हान्जानि हर्खाब बेरफुहोनाय बमानि अरजों खामगिल होनानै हांगार जाहोनाया लांदां बिखाखौ दोहो-दोहो खामगिल होनानै, दाहा होलानायनि थाखाय बिसोरनि फारसे खिथेल होखार फिननो नाजागोन आं मोननो बै लैथोनि रुगुंखौ।

टेट्राकटिस खन्थाइ

-रैदोम बर', बाक्सा

हे ! बर' फिसाफोर बाथौ धोराम हरदम सिबि आरो हरदम अनसाय जों बर' माहारि जासे जाना आंगो धोराम हरदम नेवसि नाड जों आंगो धोरामखौ हरदम मान हो नडवा दसा माहारिफोरा... जों माला दाहानि बिदां जायो जेबोला बेराम जायो अबोला नों बर' माहारि जासे जाना आंगो धोरामखौ नेवसियो नामा - आं रायथाइ सल 'मा रेबग्रा नड खालि आं रेबो खन्थाइखौल 'सो।

फै जों आवगायदिनि

सिगांनाय आं बे लैथोनि रुगुंसिम, हागोनदा आं मोननो बै गोसोनि हाबिलाखौ लैथोनि फैलासेमखौ सौसि लानानैब्लाबो नाजागोन आं मोननो बै लैथोनि रुगुंखौ। सेर फाखाय-फाखाय थैनि आबिरजों गेलेनाय बायदि सारअन्थाय, अखा, बारहुंखाखौ नेवसिनानैब्लाबो आंनि जिउआ जोबनानै थांब्लाबो नाजागोन आं मोननो बै लैथोनि रुगुंखौ। थिवरिया हान्जानि हर्खाब बेरफुहोनाय बमानि अरजों खामगिल होनानै हांगार जाहोनाया लांदां बिखाखौ दोहो-दोहो खामगिल होनानै, दाहा होलानायनि थाखाय बिसोरनि फारसे खिथेल होखार फिननो नाजागोन आं मोननो बै लैथोनि रुगुंखौ।

मिस जुगामि बह्म सिजों सोल्लोसाल (रे) स्कुल।

दुन्दिया देहानि थाखाय मोजां

जाय सुबुंफोरा आर्थराइटिस बेराम जानायजों भुगिनादों, बिसोर बादि सुबुंफोरा दुन्दियाखौ बाहायब्ला मुलाम्फा मोनगोन। दुन्दियाखौ जानाय आदाराव बाहायब्ला जरा-जरा सानाय बिषया खम जायो आरो आर्थराइटिस बेराम बांनायखौबो होबथानो हायो। आर्थराइटिस बेराम जाब्ला जरा-जरा सानाय बिष जायो आरो रोदाफोरा देरो। बे रोदाफोर देरनाया आइन फ्लेमेटरि साइटकिन्स मुंनि मेडिएटरि जाहोनाव जायो। जायनि जाहोनाव बेबादि बेराम जानाय सुबुंफोरा थांलाय फैलाय खालामनाय आरो सानफ्रामबो खामानि मावनायाव हँथा मोनो। सानफ्रामनिबो ओंखि संनाय आरो चाटनीयाव दुन्दिया बिलाइखौ बाहायब्ला देहा सोलेराव मेडिएटर जानो नागिरनायखौ होबथानो हायो। दुन्दियाखौ बाहायब्ला आरोबाव



माखासे मुलाम्फा मोनबावनो हायो। बेफोर जादों- (1) सानफ्रामबो दुन्दियानि चाटनी जायोब्ला दोगोन खालामनो हानाय गोहोया बांजे। (2) दुन्दियाआव थोजासे बिबानि आयरन थायो। बेनि थाखायनो बेखौ साफ्रामबो बाहायोब्ला एनिमियानि जेंनाया जानगार जायो।

(3) मोखाडव गोसोम दागो जाब्ला दुन्दियाखौ दैजों रुनानै लानांगौ आरो उनाव बे दैआ गुसु जाब्ला मोखाडव फुन्ना लानांगौ बेबादि हाबाफारिखौ नै सप्ताह खालामबाय थाब्ला मुलाम्फा मोनगोन। (4) दुन्दिया बिलाइयाव भिटांमिन एआ थोजासे बिबानि थायो जायजों मेगन नुनो हानाय गोहोआ बांयो।

यशस्वी जयसवालआ आइसिसि रेंकिंआव खहा जानांदों

गोदान दिल्ली, 4 डिसेम्बर: आइसिसि रेंकिंआव फिन खे बसेबाव उन-सिगां जानायखौ नुनो मोन्दों। नाथाय बे खेबआव भारतनि यशस्वी जयसवालआ खहा जानांदों। ज रुथआ नम्बर 1 मासिआव थाफिन्दोंब्लाबो सेलेन्ज मोन्नाय दड। जेराव खोला आफ्रिकानि टेम्बा बाबुमाआ टप 10 आव एन्ट्रि लाफिन्दों। आइसिसिफ्राय फोसावनाय गोदान रेंकिंआव इंग्लेन्डनि बारग' केप्टेन रुथआ 895 रेटिंजों नम्बर 1 मासिआव



थादों। बेनि उनाव हेरि ब्रुकआ नैथि नम्बरआव जायगा मोन्दों। मानोना बिथाडा 854 रेटिंजों

रुथखौ सेलेन्ज होगासिनो दड। बेबादि थासारिआव फेगौ सप्ताहनैसोआव मोजाडै

गेलेयोब्लानो बिथाडा रुथनि जायगाखौ आवग्रिनो हागौ। भारतनि जयसवालआ थांनाय

सप्ताहआव नैथि नम्बरआव आवगायदोंब्लाबो 825 रेटिंजों नम्बर 4 आव दावख्खायनानै फेबाय।

जेराव अस्ट्रेलियान सिरिजनि नैथि मेचआव गिदिर इनिंस गेलेनायजों बिथाडा गावनि नम्बरआव आवगायदिफिन्नो खाबु मोन्दोंमोन। टप 4 नम्बरआव निउजिलेन्डनि डेरिल मिसेला 753 रेटिंजों जायगा मोनो। भारतनि ऋषभ पन्टआ 736 रेटिंजों 6 थि नम्बरआव जायगा मोन्दों।

हिमाचलआव बरफ गोग्लैनायजों गुसुआ बांबाय

गोदान दिल्ली, 4 डिसेम्बर: डिसेम्बर दान फेनाय लोगो-लोगो गोसुआबो गावनि आखुखौ दिन्थिनो जागायबाय। दिल्ली - इडपियाव आथिखालाव गुसुआ सरासनस्त्रायैनो दड। नाथाय हाजोफोराव बिदुडा 1 डिग्रीसिम थांबाय। काश्मीरनि माखासे बाहागोफोराव रबिबारखालि फुडव रोजा खुवा साग्लोबो आरो माखासे जायगाफोराव बिदुडा गाहाय थाखोयाव सौहैयो। रोजा खुवानि जाहोनाव सान आंखारनाय लोगो-लोगो



श्रीनगर आरो काश्मीरनि माखासे गुबुन जायगाफोराव नुथाइया 50 मिटरनि गाहायाव दावखलायो। बेराफारसे हिमाचलनि रहतां, कन्जमाव बरफ गोग्लैनायनि

जाहोनाव हान्था-मेलाखौ होबथानाडो। फेगौ माखासे सानफोरव दिल्ली एनसिआरजों लोगोसे इडपियाव गुसुआ बांगोन। बिफाननि बायदिल्ला, दिल्ली एनसिआरआव मिनिमाम बिदुखौ माइनास 1.3 डिग्रीयै दिखानो मोन्याय जादों।

स्कीइनि थाखाय बयजोंबो मोजा मोनजाग्रा दावबायारि जायगा गुलमार्गयाव मिनिमाम बिदुखौ माइनास 2.6 डिग्रीनि गाहायाव दिखानो मोन्दों आरो खोला काश्मीरनि पहलगामाव माइनास 0.3 डिग्री सेल्सियासनि गाहायाव गरम जादों। बेयाव गात्रि नुथाइनि जाहोनाव गारि सालायग्राफोर हान्था-मेलायाव जेनाजों मोगा-मोगि जानाडो। बेनि गेजेरजों बोथोर बिफानआ गोजौ ओन्सोलफोरनि आलादा-आलादा जायगाफोराव सरासनस्त्रा अखा एबा बरफ गोसुआबो हायेनावबो खुवा खुनाया बांलांगोन। लाहुल स्पीतियाव हरनि बिदुडा माइनासनि गाहायाव सौहैयो, जायजों दै बाजुम आरो नालाफोराव दैया लाथा खानो हमो। थांनाय मंगलबारनि फुंआव हायेनाव सान्दुं ओंखारो। नाथाय सान्जौफुनि उनाव गोजौ हाजो थिखनिफोराव जोमै साग्लोबनायजों लोगोसे बरफ गोग्लैनो हमो।

हागौ। बेनि उनाव 8 डिसेम्बरार गोजौ ओन्सोलफोरनि आलादा-आलादा जायगाफोराव सरासनस्त्रा अखा एबा बरफ गोग्लैनो हागौ। हाजोफोराव बरफ गोग्लैनायजों हायेनावबो खुवा खुनाया बांलांगोन। लाहुल स्पीतियाव हरनि बिदुडा माइनासनि गाहायाव सौहैयो, जायजों दै बाजुम आरो नालाफोराव दैया लाथा खानो हमो। थांनाय मंगलबारनि फुंआव हायेनाव सान्दुं ओंखारो। नाथाय सान्जौफुनि उनाव गोजौ हाजो थिखनिफोराव जोमै साग्लोबनायजों लोगोसे बरफ गोग्लैनो हमो।

खोला करियानि हादतगिरि युननि हेंथायै संसदआव इमपिचमेन्ट मसन गथायदों



सियल, 4 डिसेम्बर: खोला-करियानि बेरेखा दोलोफोरा मार्शेल ल'लाबोनायनि आयदायाव हादतगिरि युन सुक यलनि हेंथायै संसदआव इमपिचमेन्ट समन एबा अजद होनाय आरजलाइ गथायो। बेनि सिगां खोला करियानि गाहाइ बेरेखा पाटिआ बुधबारआव हादतगिरि युनखौ बुंदोंदि, बिथाडा बिबानखौ नागराब्ला इमपिचमेन्टजों मोगा-मोगि जानांगोन। मख'जाथावदि, मंगलबार मोनायाव हादतगिरि युनआ हरखबा मार्शेल ल'खौ फोसावदोंमोन। हादतगिरिआ लाबोनाय मार्शेल ल'आ 6 घन्टासिमल' गोहोम गोनां जायो, मानोना नेशनल एसेम्ब्लिआ हादतगिरिनि थांखिखौ नेवसिनायनि हान्जायाव भट होयो। डेमक्रेटिक पाटिआ मोनसे फिन्नायाव बुंदोंदि, हादतगिरि युन सुक-यलनि मार्शेल ल' फोसावनाया संबिजिरनि बेरेखा। बेखौ फोसावनो थाखाय गोनांथार नेमखाथिखौ मानिनाय जायाखै। बिथानि मार्शेल ल'खौ फोसावनाया गाहायै गनायथावै आरो संबिजिरखौ सिमफायनाय जादों। बेयो हादत बेरेखानि मोनसे गोब्राव आयदामोन आरो बिथानि हेंथायै इमपिचमेन्टनि थाखाय थि रोखोमनि बिथा एबा जाहोन होनो हायो। हादतआव मार्शेल ल' फोसावनायनि उनिफ्राय खुंथायाव थानाय आरो बेरेखा दोलोआ बेनि बेरेखा गसदों। खुंथाइयाव थानाय पाटिनि गोबां दैदेनगिरिफोराबो बेखौ सुबुं खांथियायि आरो संबिजिरआरि जायाखै होना बुंदोंमोन।

रिलायन्स पावारनि स्टकफोराव गोबां बांदों

गोदान दिल्ली, 4 डिसेम्बर: निल आम्बानीनि रिलायन्स ग्रुपनि पावार कम्पानी रिलायन्स पावारनि शेयारफोरा दिने अपार साकिटजों लोगोसे फालांगिखौ जागायो। रिलायन्स पावारनि शेयारफोरा दिने अपार साकिट लागायाना 1.95 रां (4.98 जौखोन्दो) बांनायजों लोगोसे 41.07 रांनि बेसेनाव फालांगि खालामो। थांनाय मंगलबारखालि 39.12 रांनि बेसेनाव बन्द'जानाय कम्पानीनि शेयारआ दिने अपार साकिटजों लोगोसे 41.07 रांनि बेसेनावनो खुलिदों मोन। कम्पानीनि शेयारआ दासिमबो गावनि 52 वीक हाइनिफ्राय उनाव रिलायन्स पावारनि शेयारफोरनि 52 वीक हाइआ 54.25 रां। बेराफारसे बेनि 52 वीक लआ 19.37 रां। सुलुडाव फोरमायनाय बायदिब्ला, कम्पानीनि शेयारफोराव थांनाय माखासे दानाव गोबां दावखोलाय-फासयलाय जानायखौ नुनो मोन्दों।



बिएसइनि डाटनि बायदिल्ला, रिलायन्स पावारनि सायाव रिन्डुएबोल एनार्जी टेन्डासंआव बाहागो लानायनि सायाव जाबसिन्नाय होबथानायखौ बोखारनायनि उनाव दिने कम्पानीनि शेयारफोराव गोबां बांनायखौ दिखानो मोन्याय जायो। सुलुनि बायदिब्ला, भारतआरि सलार एनार्जी करपरशेन अफ इन्डियाआ थांनाय 6 नभेम्बरआव रिलायन्स पावारनि सायाव 3 बोसोरनि थाखाय रिन्डुएबोल एनार्जी टेन्डासंयाव बाहागो

लानायनिफ्राय होबथाना लाखिदों मोन। कम्पानीनि सायाव दाय जाबसिन्नाय मोनदि, बिसोर बेतरी स्ट्रेज थिकानि थाखाय गावनि बलिखौ हेफाजाव होनो थाखाय नंखाय बेंक गेरेन्टि जमा खालामदों मोन। नाथाय दायफोरखौ नायबिजिन्सायाव बे केसाव रिलायन्स पावारखौ दायनिगिरि मोनाखै। बेनि उनाव एसइसिआइया रिलायन्स पावारनि सायाव जाबसिन्नाय होबथानायखौ बोखारना होयो।

सोनाब बंग' आरो झारखान्दनि आलुनि जेनाया संसदआव दैखांजादों

गोदान दिल्ली, 4 डिसेम्बर : सोनाब बंग' आरो झारखान्दनि गेजेराव आलु जगायथाइखौ लानानै सोलिगासिनो थांनाय राइज्योयारि जेनाया मंगलबारआव संसदआव रायखांजायो। हजारीबागनिफ्राय देरहासारनाय बिजेपि एमपि मनिष जायसवालआ लक सभायाव बे आयदाखौ दैखाडो। बिथाडा मिरु सरकारखौ बे आयदाआव आखायाव होनो खावलायदों। एमपिआ बुडोदि, झारखान्दनि



आलुनि के पखौ सोनाब बंग'आव होबथानायजों सुबुंफोरा जेना जानादों। बे थांखिखौ सावरायानां बेखौ राइज्योरि फालांगि खांथिखौ सिमफायनाय आरो निखावरिफोरखौ गोहोम खोखैनाय मोनसे गोब्राव केस होन्नाबो बिथाडा बुडो। सोनाब बंग' सरकारआ गुबुन राइज्योफोरनो आलु जगायथाइखौ होबथादों, जायजों झारखान्द बाजाराव गात्रि गोहोम गोग्लैदों। झारखान्दआ गासै बोसोर एबा बोसोरनाडै आलुनि आंखाल जानानै खमैबो 60 जौखोन्दो आलु जगायथाइनि थाखाय सोनाब बंगनि सायाव सोनारो। झारखान्दनि गिबि मन्थ्रि हेमन्त सेरेनआ गाहाइ नेहाथारि अलका तिवारीखौ बे आयदायाव सोनाब बंग'नि गाहाइ नेहाथारि मनज पन्तजों सावरायानो बिथोन होयो। बिथामोनहा सानैजों सावरायो, नाथाय थि थांखिसिम सौहैनो हायाखै। होबथानाया दासिमबो सोलिदों। बे आयदाया समबारखालि सोनाब बंग' बिधान सभाआवबो दैखांजायो, जेराव गिबि मन्थ्रि ममता बेनार्जीआ होबथानायखौ रैखाथि खालामो।

बांलादेशआव हिन्दुफोरखौ रैखाथि होनाया अन्तरिम सरकारनि बिबान: आमेरिकानि एमपि



वाशिंठन, 4 डिसेम्बर: आमेरिकाया बांलादेशआव हिन्दुफोरनि सायाव इनाय-अनागारै गाग्लोबनायनि गेजेराव धोरोरमि आरो सुबुं मोन्थाइजों लोगोसे गुदि उदांस्निनि सन्माननि बाध्ना बुंदों। बांलादेशआव इसेल' सुबुं अन्जिमा थानाय हारि हिन्दुफोरखौ अनागारै गाग्लोबनायखौ लानानै भारतआ जिंगा फोरमायगासिनो। आमेरिकानि गुबुन हादतआरि बिफाननि लेडाइ बुंथिगिरि वेदान्त पाटेलआ खौरगिरिफोरनि

सिगाडाव बुडोदि, जों बे बाध्नाखौ लानानै रोखादि गुदि उदांस्नि मोन्थायखौ सन्मान होनांगौ। सरकारफोरा आइनि खुंथायखौ मान होनांगौनि गोनांथि दड; बिथामोनहा गुदि बिथायारि सुबुं मोन्थाइफोरखौ मान होनांगौ। बे बाध्नि सायाव जों जेब्लाबो नोजोर होबाय थागोन। पाटेलआ बुंवावोदि, जायखि जाया रोखोमनि बेरेखा एबा अजद होनाया गोजोनै जानांगोन। मोनसे सोंथिनि फिन्नायाव बिथाडा बुडोदि, जिम्मायाव लांनाय सुबुंफोरखोबो

थि रोखोमनि थान्दै जगायना होनांगौ आरो बिसोरजों गुदि बिथा गोनां गुदि उदांस्नि आरो सुबुं मोन्थाइफोरनि गेजेरजों आखु दिन्थिनानोन। बे समावनो आमेरिकानि एमपि ब्रेड शरमनआ मोनसे फिन्नायाव बुडोदि, बांलादेशनि अन्तरिम सरकारनि बेयो आबु बिबानदि, बियो हिन्दुफोरखौ रैखा खालामनान्गौ आरो बावैसो सिगां गाग्लोबनाय एबा अनागार खालामनायनि जाहोनाव रोजा-रोजा हिन्दुफोरा धर्ना खालामनायखौ गुबैर सुनानांगोन। हिन्दु एक्शननि हाबाफारि बिथोनगिरि उत्सव चक्रवर्तीआ आथिखालनि बाइडेन-हेरिस खुंथाइखौ बांलादेशआव हिन्दुफोरनि हेंथायै हाथियार दैग्राफोरनि अनागार खालामनाया बांबोनायखौ होबथानो थाखाय हागोमानि गोखों थांखि आजवानो खावलायदों।

डनाल्ड ट्राम्पआ कानाडानि गाहाइ मन्थ्रिनो मोनसे अफार होदों

गोदान दिल्ली, 4 डिसेम्बर: आमेरिकानि गोदानै सायख'जानाय डनाल्ड ट्राम्पआ कानाडानि गाहाइ मन्थ्रि जास्टिन टुड'जों लोगो हमो। नाथाय बे समाव ट्राम्पआ टुड'नो एरैबादि अफार होदोंदि, जाय मुलुगनाडै सावरायजानाय जादों। डनाल्ड ट्राम्पआ टुड'खौ बुडोदि, 25 जौखोन्दो टेरिफिनिफ्राय कानाडानि रंखांथि राहाआ खैफोद दडब्ला कानाडाखौ आमेरिकानि 51 थि राइज्यो खालामदो। बे बाध्नाखौ ट्राम्पआ जंखायानां बुंदोंब्लाबो आमेरिकानि जानो गोनां हादरगिरिनि खुगानिफ्राय ओंखारनाय बाध्नाया गावहानो बेसेन दड। ससेल मिडियाआवबो सुबुंफोरा बेखौ फेस्ला महरै लादों। बावैसो सिगां कानाडानि गाहाइ मन्थ्रि जास्टिन टुड'आ ट्राम्पजों मार-ए-लागआव लोगो हमदों। मख'जाथावदि, ट्राम्पआ कानाडानि सायाव गोखों टेरिफ



जाबसिन्नायनि हुमखि होनायनि उनाव बिथामोनहा लोगो हमज्जलायदों। खौरनि बादिब्ला, ट्राम्पजों डिनार खालामनायाव जास्टिन टुड'आ बुंदोंदि, 25 जौखोन्दो टेरिफिनि प्रपजालआ कानाडानि रंखांथि राहाखौ सिलिंखार कालामगोन। ट्राम्पआ टुड'खौ बुंदोंदि, कानाडाआ दर 70 नि बांसिन हादरफोरनि आइन बेरेखा थाहैग्राफोरजों लोगोसे गोबां अन्जिमायाव ड्राम्प आरो सुबुंफोरखौ सिमना बारहोहरनायनि गनायथि होनां आमेरिकान सिमनाखौ फेलें कालामदों। बेनि उनाव खहानि सायाव बाध्ना बुंनानै ट्राम्पआ

बुंवावोदि, कानाडाजों लोगोसे आमेरिकानि फालांगियायि खहाया 100 बिलियन डलारनि बांसिन। बिथाडा बुडोदि, जुदि कानाडा सिमना आयदाफोर आरो फालांगि खहाखौ बाबसां होयाब्ला बिथाडा हादरगिरि बिबानखौ आजवानायनि गिबि साननिफ्रायनो गासैबो कानाडियान मुवाफोरनि सायाव 25 जौखोन्दो टेरिफ जाबसिन्नां होगोन। सावरायलायनाय समाव टुड'आ ट्राम्पखौ बुडोदि, बिसोर टेरिफ लागायनो हाया, मानोना बेजों कानाडानि रंखांथि राहाया आबुडैजोबसांलांगोन।

तालिबानआ आइजोफोरनि नार्सि फरायनायखौ होबथादों

आफगानिस्तान, 4 डिसेम्बर : आफगानिस्तानआव जेब्लानिफ्राय तामिलनाडुआ एन्ट्रि जादों, बै समनिफ्रायनो आइजोफोरनि हेंथायै लान्थियै फरमान फोसावयो। बे बिथिडव आरो मोनसेबाव फरमान फोसावनानै बुडोदि, आफगान आइजोफोरा दायनि खामानि आरो नार्सि फरायनो हानाय नंला। बिबिसिनि बायदिब्ला, आफगानिस्तानाव आइजोफोरनि थाखाय सोलेंथाइ लानायनि जोबथा मोनै लामा दडमोन, जायनि सायाव आथिखालाव तालिबान सरकार थाला लगायना होदों। बेराफारसे, आफगानआ हादतनि गोनांथिफोरखौ आबु खालामनो थाखाय उफ्रायै सा 18,000 दायफोरनि गोनांथि दं। बेराफारसे दायनि खामानि आरो नार्सिनि ट्रेनि लाबाय थानाय आइजोफोरा बुडोदि, बिसोरखौ फुनि समाव थाखो ख'थायाव थांनाड होन्ना बिथोन होदोंमोन। नाथाय दासिमबो तालिबान सरकारनि सान्नि बिफानआ



जेबो फिनजाथाइ फोसावयाखै। फसंथानफोरा बुंनाय बायदिब्ला, तालिबानआ बिसोरखौ उनि खौरं फेजिसिम फसंथानफोरखौ बन्द'खालामनो बिथोन होदों। मख'नो गोनांदि, हिन्जावसाफोरा थांनाय 2021 निफ्रायनो सोलेंथाइ मोन्नायाव जाफुंसारनो हायाखै। अदेबानि सोलेंथाइ मोन्नायनि मोनसेल' गुबुन राहाय दाय एबा नार्सिनि गेजेरजोंल'मोन। बे फारसेथि हौवा डाक्टरफोरा

आइजोफोरखौ फाहामथाइ होनायनि गनायथि गैया, जेब्लासिमि सोरबा हौवा गाजेंन गैया। सुलुनि बायदिब्ला तालिबाना मोनसे देवबन्दी इस्लामी सान्थियायि आफाद, जायहा गासै 2 लाखसो सान्थिफोर थानो हागौ होन्ना हमदंनया जादों। बिसोर 2021 आव आमेरिकानि दैदेनाय सान्थिफोरनि गेजेरजों आफगानिस्तानाव खुंथाइनिफ्राय बोखलायदोंमोन।

No. TECH-05/SE(B)/E-Tender/2021-22/P1-II/43, Dated Kokrajhar the 30/11/2024.
Tender No. 544 of 2024-25
PRESS NOTICE INVITING TENDER
 The Superintending Engineer, PWD Kokrajhar Building Circle, Kokrajhar on behalf of Governor of Assam invites bids from approved and eligible Contractors registered with Public Works Department (Building), Assam/Contractors registered with Bodoland Territorial Council in the category of Class-I, II & III for the following work with a bid validity of 180 (one hundred eighty) days from the date of opening of the tender.

Sl. No	Package No.	Name of Work	Approx. Value of Work (Rs)	Time of completion	Bid security (In Rs)	Tender processing fee (Rs)
1	544_1	Repairing of Market Shed at Gurufela Bazar under Hatigarh VCDC, Kachugaon Dev. Block, Gurufela.	24,06,300.00	06 (Six) Months	48,200.00 for General & 24,100.00 for Reserved Category	500.00

Details may be seen at website <http://assamtenders.gov.in> and also in the office of the undersigned during office hours.
 Sd/- Superintending Engineer, PWD Kokrajhar Bldg. Circle, Kokrajhar.

IPR(BTC)/C/2024-25/1006

NO. BTIDCL/MD/Esstt-2/Recruitment/2024/73, Dated Kokrajhar the 4th December 2024.
NOTIFICATION
 In cancellation of the earlier Notification No. BTIDCL/MD/Esstt.-1/2022/40, dtd. 21/02/2024 and for smooth functioning of the Bodoland Trade & Industrial Development Corporation Limited (BTIDCL) is Re-inviting applications from interested candidates for filling up of the following posts on contractual basis for 1 (One) year:

Sl. No.	Positions	No. of vacancy	Monthly remuneration	Experience required
1	Assistant Manager	1 (One)	Rs. 45,000.00	3-5 years
2	Business Development Executive	2 (Two)	Rs. 35,000.00	Below 3 Years

Interested candidates are requested to fill up the online application form by clicking on the link or by scanning the QR code:
<https://forms.gle/gFWqxoJ4TVpGaiAV6>


1) Only online application will be entertained.
 2) Last date of submission of Application is 15/12/2024.

Sd/- Managing Director, BTIDCL, DI & CC Office Campus, Kokrajhar, BTC, 783370

IPR(BTC)/C/2024-25/1005

डिमाकुसिनि बरडाजुलि साहा बागानाव दुलाराय आसाम आदिबासि फरायसा आफादनि बान्जायनायाव गेदेर आदिबासि महासभा खुंनो साखा-फारा

उदालगुरि, 4 डिसेम्बर: फेनायाव सानब्रैनि हाबाफारिजों उदालगुरि जिल्ला डिमाकुसिनि बरडाजुलि साहा बागानायाव 20थि आदिबासि महासभा (गौमा) खुंनो साखा-फारा जाबाय। फेगौ बोसोरनि 2025 माइथायनि 6, 7, 8 आरो 9 फेब्रुवारीयाव सानब्रैनि गेदेर हाबाफारिजों खुंनो गोनो 20थि आदिबासि महासभा खुंनो सान-हर नाडै बान्जाय आफादआ साखा-फारा जानानै दड। गासै 25 लाखनिखुइ बांसिन रां बाजेठजों लाख-लाख आदिबासि सुबुंफोरनि नुजाथि



आसामनि गिबि मन्थ्रि ङ हिमन्त बिश्व शर्माआ बाहागो लाफैगोन। लोगोसेनो माखासे मन्थ्रि-एमएलएफोरनि अनगायैबो दाब-दाब राइज्योफोरनिफ्राय फेनाय आलासिफोरखौ बरायनो बान्जाय आफादआ थियारि जाबाय। आदिबासि महासभानि गेवलां मेलयाव राइज्योनि गुबुन गुबुन ओन्सोलनिफ्राय गासै 1 लाख आदिबासि सुबुंफोरा गावसोरनि हारिनि जेनाखौ सुखानायनि बिथिखव खौसे जानानै सरकारनिसिम गावसोरनि दाबिफोरखौ दैखांगोन होनानै फोरमायदों। अरायथा नडै मावखुलि बेखेवनाय हाबाफारियाव राइज्यो सभानि बारा' एमपि सान्तियुस कुजुर, उदालगुरि जिल्ला आफादनि आफादगिरि बाबुल पाइऊ, आफन्द-फरसथाननि फरयसा दैदेनगिरिफोरजों लोगोसेनो गुबुन गुबुन हारि-हारिसानि सुबुंफोरा नुजाफैदों।

(□ 1 बिलाड़निफ्राय)

आसामनि राइज्यो बेंगिरि लक्ष्मण प्रसाद...

सुबुंफोरनि जिउआव माबोरें गोहोम खोख्लैगासिनो दं बेनि बागै खौरां लायो। राइज्यो बेंगिरिया गामियारिफोरनि सिगाडव बुजेदि, सरकारि बिथारिफोरखौ सुबुंफोरनि मुलाम्फानि थाखाय साननाय जादों, मानोना मुलाम्फागिरिफोरा गावसोरनि जिउखौ साबसिन खालामनो थाखाय बिथारिफोरनि मुलाम्फाफोरखौ लानो थुलुंगा होयो। बिथाड मुलाम्फामोनगिरिफोर गुबैयै गामिफोराव थाग्राफोरनि जिउखौ साबसिन खालामनायाव राइजो-राजानि जौगाला हाबाफारिफोरनि जाफुंसारनायखौ नोजोर होयो। राइज्यो बेंगिरिया जिल्लायाव गावनि दावबायनायनि मोनसे बाहागो महरै, दै बानाजों खहा जानाय ओन्सोलफोरखौ नायनो थान्दोमोन आरो गामियारिफोरजों सावरायो जाहाथे बिथामोननि जिउआव दै बानानि गोहोम आरो जिल्ला खुंथानिफ्राय मोन्या मददखौ बुजिनो हायो। बिथाड सावस्त्रि जोथोन आरो लोंग्रा दै बायदि गोनाथार सिबिथायफोरनि खाबुखौबो नोजोर होयो। आचार्यआ बागलाजान गामियाव अमृत सर'बर थावनिफोरनि गेजेराव मोनसेखौ दावबायहायो आरो हाबाफारिनि सिडव माननाय खामानिफोरखौ नायगिदिहैयो। बिथाड लोब्बा गोनां बिबानगिरिफोरखौ अमृत सर'बरनि सोरगिदि बिफां फुलि गायनाय हाबाफारि लानो आरो थावनिनि समायनाखौ बांहोनो बिथोन होयो। बिथाड प्रधान मन्थ्रि आवास यजनानि सासे मुलाम्फा मोनगिरिनि न'आवबो थाडे आरो सरकार होनाय खाबुफोरनि खौरां लायो। राइज्यो बेंगिरिया बाहकाबारी एडसएस फरायसालियावबो दावबायहैयो आरो फरायसाफोरजों सावरायलायो। बिथाड फरायसालियाव बिथारि सानजथाइ, खाबुफोर, लोंग्रा दै आरो साखोन-सिखोननि खाबुफोरखौबो नोजोर होयो। बेनि अनगायैबो, बिथाड कपिली दैमायाव लुनाय माथावरिखौ नायगिदिहैयो आरो बिबानगिरिफोरखौ खामानिखौ गोख्रै मावनो बिथोन होयो। उनाव राइज्यो बेंगिरिया नगावआव जिल्ला बेंगिरिनि सावराय न'ब्लाव मोनसे सावराय मेल खुंनय जायो। नगाव जिल्ला बेंगिरि नरेन्द्र कुमार शाहया राइज्यो बेंगिरिनो फेगौ दैल्नां बोथोरनि थाखाय खुंधया खालामनाय साखा-फारनि बागै फोरमायो। राइज्यो बेंगिरिया मेलव थांनय बोसोराव दै बानाजों खहा जानाय आरो सरकारजों मावजानाय लुफामफिनाय खामानिफोरखौबो नोजोर होयो। सावराय मेलव, राइज्यो बेंगिरिया खुंथाइखौ अराय सम नोजोर लाखिनो बिथोन होयो, जाहाथे सरकारि खामानिफोरनि फिथाइया साफ्रोमबो मुलाम्फागिरिफोरनिसिम सौहैयो आरो बिसोरो वयनिबो जिउआव गोख्रों सोलायनाय लाबोयो।□

उदालगुरियाव देहा सिबिथाय फोर्बाखौ लोब्बा ...

सिलाभिकालसरिस्ट बिबानगिरि दिबाकर डेबआ दलनिबस्टि गोदान गुदि देहा मिरु आरो बाहिपुखि साहा बागाना फाहामसालियाव आन्जाद नायफेदों। उदालगुरि जिल्लानि लेडइ पुलिस बिबानगिरि (क्राइम) महाम्पद मुजाफर हुसेइनआ सेउनी गामि आरो गेंला आयुष्मान आरय मन्दिराव आन्जाद नायफेदों। भेराय डिभिजननि पुलिस बिबानगिरि दुगां किंकर शर्माआ गणपसुबा आयुष्मान आरय मन्दिराव बेसेन थि खालामफेदों। हाग्रा बिबानगिरि आफां आसाम सार्केलनि प्लेनि बिबानगिरि जयन्त कुमार नाथआ गेरुवा हाथाय फिसा गुदि देहा मिरु आरो धनसिरि साहा बागाना फाहामसालि, सोनाब कामरुप डिभिजननि हाग्रा बिबानगिरि सुबद तालुकदार सत्रपारा फिसा गुदि देहा मिरु आरो भुटियासां साहा बागाना फाहामसालियाव बेसेन थि खालामफेदों। राइज्योनि देहा खोन्दीनि गुदि-बिथाखौ फोर्बाखौनाय आरो गुण गोनां माननि सिबिथायखौ रोखा खालामनायनि थांखिजों खुंनय थामथि खोलोबनि देहा सिबिथाय फोर्बाआ फेगौ 5 डिसेम्बराव जोबहैगोन।□

उरां दख'रा गुदि देहा मिरुआ 'देहा सिबिथाय..

सिबिथाय फोर्बाआ फेगौ 5 डिसेम्बराव जोबहैगोन। गुबुन गुबुन जिल्लाजों लोगोसेनो उदालगुरि जिल्लायावबो बे हाबाफारिया खुंजागासिनो दड। बे फोर्बायाव उदालगुरि जिल्लानि गं 50 देहा फाहामसालिनि सिडव 3 डिसेम्बराव उरां जुथाय देहा मिरु फाहामसालियाव बेसेन थि खालामनाय जादोंमोन। उरां जुथाय देहा मिरुयाव डि किउ सि ए (एन इ एस एम) डा: मुक्तमाला ब्रह्म आरो उदालगुरि जिल्ला हान्था-मेल बिबानगिरि उपुर्व तालुकदारमोनहा बाइजोआरि आन्जादगिरि महरै नायबिजिफेदोंमोन। बाइजोआरि आन्जाद नायग्रा बिबानगिरिफोरा उरां दख'रा गुदि देहा आरो जुथाय फाहामसालिनि गासैबो बिबानफोरखौ नायसनायजों लोगोसेनो नोजोर होनानै आन्जाद नायना देहा सिबिथाय फोर्बायाव 'ए' ग्रेड गथायनानै होयो। मिरुनि महकुमा देहा आरो फाहामथाय बिबानगिरि ङ ज्यति कुमार नाथ, फाहामथाय बिबानगिरि, बि.पि.एम. भाजिल शर्मा, फार्मासीस बिजय नाथ, जुमुर आलि आहमेद, कम्पिउटर मावफारिया दरति डेका, ब्लक डायट मेनाजार राज दिप, बि.सि.एम. जुमिस्ति शर्मा, देहा मावफारिया मन्जु राभामोनहा फोर्बाखौ जाफुंसार होनायनि बिथिडव जर'खा हेफाजाव होदों। फोर्बायाव उरां जुथाय देहा मिरु सामलाय आफादनि सोद्रोमा बेनुधर अधिकारि, नब'कुमार डेकामोनहा बाहागो लाफैनाय हैफाजाव होदों। मख'नो गोनादि, देहा फोर्बांनि माखासे सान सिगाडव देहा मिरुयाव 1 लाख रां बाहायनायजों मोनसे मुलियारि जाथो बिफांनि बागाना सोर्जिनाय जादोंमोन।□

राइज्योआरि केबिनेट जथुम

हिमन्त बिश्व शर्माआ फोरमायना होयो। खौरांगिरि मेलयाव गिबि मन्थ्रिआ मन्थ्रि आफाद फेहेरनायनि बाश्राखौबो मख'दों। गिबि मन्थ्रिआ बुंदोंदि, फेगौ 7 डिसेम्बर अक्टखालि साननि 12:00 रिगायाव आसाम मन्थ्रि आफादयाव मोनसे फिसा फेहेरदेरनाय जागोन। गाबोन एबा समफोर सिमाव रोखा फोरमायथिखौ मोनो हागोन होनानै बिथाड फोरमायो। बरकनिफ्राय मन्थ्रि आफादयाव थि जायगा मोगोन। सासे एबा सानैआ मन्थ्रि फसंजागोन बेखौ नायनांगोन होना मख'नानै बिथाड बिजेपि दैदेनगिरि आफादनो बेनि सोमोन्दै गुबै फोरमायथि थिसनाय जाबाय होना बुजे। लोगोसे गिबि मन्थ्रिआ बुंदोंदि, गुवाहाटीनिफ्राय उरां जाहाज गथोनसिम थानाय लामाया 6 लेन जागोन। गुवाहाटी-बरापानि आरो बरापानि-शिलचरसिम एक्सप्रेस हाइवे बिथारिनि बाश्राखौबो सानबादों। जेवय गासै 25 रोजा कौटि रां खरसा जागोन। फारसेथि मरिगावनिफ्राय दरं फोनांजाव ब्रह्मपुत्रनि सायाव आरोबाव गंसे दालां लुनायनि बिथारिखि आखाइयाव लानायनि बाश्राखौबो गिबि मन्थ्रिआ मख'यो।□

तामुलपुराव बेंगुरा सुबुंफोरनि थाखाय ...

आफादनि आफादगिरि बृहस्पति बर', आइजो आरो खुदिया जौगाथाय बिबाननि मावफारिया इरानी ठाकुरिया, नापिजुलि आइजो आरो खुदिया जौगाथाय बिबाननि जथाय खुदिया जौगाथाय मावथांखिनि दुलुमनि दासआ बाहागो लायो। सावराय मेलव, जिल्लानि सा 8 सुबुंफोरनि गेजेराव हुइलचेयार, सावफाहामारि आगजुफोरफोरखौ रानाय जायो। बे सावराय मेलखौ आइजो आरो खुदिया जौगाखां तामुलपुर मावख'नि मावफारिया देबेन दासा सामलायदोंमोन।□

(□ 1 बिलाड़निफ्राय)

तामुलपुराव सिगांग्रे बर दिन...

बर' आरो चान्ताली मोसानाय दिन्थिफुंनय। सानजौफुनि 12 रिगानिफ्राय गेवलां मेल जानानै थाडे। बाइबेलनि 2:10-11 दफायाव थानाय, 'गिनो नाड' होन्याय आइदाखौ लानानै गुवारे सावरायलायो। बे गेवलां मेलव हरिसिंगा खूथन क-अर्डिनेसन एस्'सिएशननि बाराग' मावफुं नेहाथारि रेव सन्तष दैमारीआ गाहाइ आलासि महरै नुजाथिनानै आयदानि सायाव बिबुंथि लाखियो। बेलासियाव खूथन धोरमारि बोर बिनाय आर'जजों दिनेनि सिगांग्रे गोथार बर'दिन फोर्बां फालिनाय हाबाफारिया खुंफुंजायो। दरडजुलि बिबाबनि एमसिएलए बिजित गोरु नार्जरी, तामुलपुर जिल्ला खूथन क-अर्डिनेसन समिटिनि गाहाइ नेहाथारि बानिफेश बेसराजों लोगोसे तामुलपुर जिल्लानि सिडव थानाय गिजोफोरनि से रोजानिबो बांसिन सोद्रोमाफोरा बाहागो लायो।□

बिजनीआव गान्जाजों लोगोसे सासे फालांगिरिखौ हमदों

बिनि सिग्रोमनायाव गोबां बिबानि गान्जाखौ बोखांनो हायो। मिबिथोनो मोन्याय बायदिक्ला, रन्जित रायआ गोबाव समनिफ्रायनो गान्जानि फालांगिरि खालामबोदोंमोन। गान्जा फालांगिरि रन्जित रायनि न'निफ्राय फानो थाखाय थुबुर खालामना दैनाय निस् किल'ग्राम लिथथयनि गान्जाखौ बोखांनो हायो।□

देहा सिबिथाइ फोर्बा 3.0 नि नैथि सानआ जाफुंसारै ...

सावस्त्रि फसंथानफोरनि गेजेराव गं 12 खौ दिने नायबिजिरनाय जायो। गुबुन गुबुन मिरुफोरनि बायजोआरि बिजिरगिरि आरो बिबानगिरिफोरखौ लाफानानै मोनसे सांग्रां हान्जाया आन्जाद खालामनाय जायो। सा 12 नायबिजिर हान्जाफोरनि मोनफ्रोमावबो सासे बायजोआरि बिजिरगिरि, सासे सरकारि बिबानगिरि आरो सानै बायजोआरि बिजिरगिरिफोर जेराव सासे सरकारि मावख'गिरि आरो गुबुन सासेआ सावस्त्रि बिबाननि। बेफोर बिजिरनायनि थांखिया राइज्योआरि देहा सिबिथायनि मानथाखोजों गोरुबनानै जिल्ला आरो दालाय-खोन्दो थाखोआव राइज्योआरि देहा फसंथानफोरजों होजानाय सिबिथायनि गोहोमथि आरो गुनखौ बिजिरनाय। बे गोदान गोदान हाबाफारिया राइज्योनि राइज्योआरि देहा सिबिथायनि खाबुफोरनि मोनसे रोखोमनि बिजिरनाय महरै खामानि मावो आरो देहा सिबिथायफोरा जोथोननि गोनां मानथाखोफोरखौ आबुं खालामनायखौ थि खालामनायाव गोनांथार बिफाव लायो। जोबनायाव नोगोरारिफोरनि थाखाय देहा सिबिथायनि रोंमोन्दाथिखौ साबसिन खालामनो थांखि लायो। देहा सिबिथाय फोर्बा 3.0 आ 5 डिसेम्बराव आद्रा थानाय सावस्त्रि फसंथानफोर खौ नायबिजिरनायजों थुंफेगोन।□

मानासयाव अबर'-जिएसपिनि दैदेनगिरिफोरा खौरांगिरि मेल..

अबर'नि इयुन जोलैखौ रैखाथि होनायनि सार्थयाव दिनेनिफ्राय अबर' सुरक्षा समिति आरो जिएसपि दोलोआ खौसे जाबाय। बिटिसिनि 22 लाख अबर' राइजो-राजाफोरा बायदि रोखोमनि दुखु-जेनाफोरखौ नेवसिनानै फिन अबर'-जिएसपिजों खौसे जानानै अबर'नि गुबै मोन्थायनि थाखाय, रैखाथिनि थाखाय, मोनसे सोमावसायनाय रहाजों खौसे जानो खावलायहरदों। अबर'फोरा बिजेपि, बिपिएफ, इडपिएल, कंग्रेस बायदि दोलोखौ नागरानानै अबर' गोहो, जिएसपिजों लोगो जाफैनो खावलायदों। फारसेथि जन दासआ खौरांगिरि मेलयाव बुंदोंदि, बर' हारिनि थाखाय एबसुनि दैदेनयाव बिपिएफ आरो इडपिएलखौ खौसे खालामनायनि लामा लानो हादोंक्ला, बिटिसिनि 22 लाख अबर'नि रैखाथिनि थाखाय जोंबो अबर' सुरक्षा समिति आरो जिएसपि दोलोआ गावस्त्रा लायनायखौ नागरानानै खौसे जाबाय। खौरांगिरि मेलयाव अबर' सुरक्षा समितिनि नेहाथारि जन दासआ गिबि मन्थ्रि ङ हिमन्त बिश्व शर्मा, बिटिसिनि बाराग' गाहाइ मावफुं सोद्रोमा आरो बिपिएफनि आफादगिरि हाग्राया महिलारी आरो बिटिसिनि गाहाइ मावफुं सोद्रोमा प्रमद बर'खौ सोंखारिनाय बिबुंथि लाखिदों। फारसेथि, खौरांगिरि मेलयाव जिएसपि दोलोनि लेडइ आफादगिरि आरो डिहिया बिबाबनि एमसिएलए घनशियाम दासआ बुंदोंदि, अबर' राइजो-राजाफोरनि सार्थयाव, अबर' राइजो-राजानि खावलायनाय बायदिफे फेगौ समाव गन सुरक्षा पार्टि आरो अबर' सुरक्षा समितिआ खौसे जानानै खामानि मावलांगोन। लोगोसेनो फेगौ सानफोराव बिटिसिआव अबर' सुरक्षा समिति, जिएसपि दोलो आरो अबर' राइजो-राजानि देरहानाय दावबायनाया सोलिबाय थागोन। खौरांगिरि मेलयाव अबर' सुरक्षा समिति आरो जिएसपि दोलोनि माखासे दैदेनगिरिफोरा बाहागो लाफैदों।□

(□ 1 बिलाड़निफ्राय)

जपादं भगपारा पिजिआरआव हा गैजायै सुबुंफोरनो हा होनायनि मुडाव रां खानायनि...

जपादंआव। मख'जाथावदि बिटिआर ओन्सोलाव गुबुन गुबुन रिजाभं हा आरो हाग्रा ओन्सोलाव हा गैजायै थागिबि हारि जायफोर बोसोर बोसोर राइजो जाबोदों बैसोर सुबुं आरो नख'रफोरनो प्रमद बर' दैदेन्याय बिटिआर सोरकारा हानि मोनथाय एबा हानि फोरमान बिलाइफोर होनाय खामानिया सोलिगासिनो दं। बे बादिनो जपादं भगपारा पिजिआर ओन्सोलावबो थागिबि हारि सुबुं एबा नख'रफोरनो हानि फोरमान बिलाइ होनो थाखाय खामानि मावनाया सोलिगासिनो दं। नाथाय दुखु गोनां बाश्रादि, हा होनायनि मुडाव हानि बिगोमा जागोन सुबुंफोरनिफ्राय से बिगा हाथाव 250 रां लानायनि अजद सिखोंदं जपादं भगपारा पिजिआर लेण्ड सेटेलमेन्ट कमिटिनि आफादगिरि फरेन्ड नाथ ब्रह्मनि हेंथायै। बे रां लानायखौ लानानैनो जपादं भगपारा पिजिआर ओन्सोलाव राइजो जानाय सांग्रां नोगोरारिफोरनि गेजेराव गोबां सावराय जानायखौ नुनो मोनदों। लोगोसे बे फेसा खानाय जाथायनि सायाव थार बिजिरनाय आरो गेबेडै खामानि मावनांगोनि दाबिजों दिने बाक्सा जिल्लानि जिल्ला बेंगिरिनो गोसोखां लाइ गथाययो जपादं हालामनि सांग्रा राइजो राजाफोरा। थारैनो जाय समाव प्रमद बर' दैदेन्याय बिटिसि सोरकारा बिटिआर ओन्सोलाव थानाय गासैबो थाखोनि थागिबि हारिफोरनो जेबो रां लाया लासे हानि मोनथाय होनो थाखाय खामानि मावबाय थानाय समावनो जपादं भगपारा पिजिआरआव हा होनायनि मुडाव रां खाना लानाय जाथाया दुखु नांथाव जादों होनानै जपादं हालामनि राइजो-राजाफोरनि गेजेराव गोबां सावराय जानायखौ नुनो मोनदों। बेनि थाखायनो बे जाथायनि सायाव गोख्रों नायबिजिरनयजों लोगोसे नांगौ बायदि राहा लानो प्रमद बर' दैदेन्याय बिटिसि सरकारखौ जपादं भगपारा पिजिआर ओन्सोलनि राइजो-राजाफोरा खावलायहरो। मख'नो गोनादि जपादं भगपारा पिजिआरनि मोन स्त्रि रैभिनिउ गामिनि सिडव गासै 15,134 बिगा हा दं।□

निसिमा दखरा एबसुनि 35थि बोसोरसालिया..

बादिथै गाहाइ आलासि महरै बाहागो लायो दुलाराय बर' फरायसा आफादनि गाहाइ नेहाथारि खनिन्द्र बसुमतारीआ। गेवलां मेलव बाहागो लानानै बिथाड सोलेंथाइ, समाज आरो आधिखालनि थासांरिनि सायाव गुवारे बिबुंथि लाखियो। गेवलां मेलव माननि आलासि महरै बाहागो लायो मिरु एबसुनि हारिसु नेहाथारि सुसिल इस्लारी, लोगो थुनलाइ नेहाथारि ङ सिबिसन नार्जरी आरो चिरां जिल्ला एबसुनि आफादगिरि दिलिप कुमार बसुमतारी, गाहाइ नेहाथारि ङ रेडियान नार्जरीजों लोगोसे जिल्ला एबसुनि बिबानगिरिफोर, दिल्ली दालायसा एबसुनि आफादगिरि बिस्वजित नार्जरी, 31 नं सिदलि बिबाबनि एमएलए निर्मल कुमार ब्रह्मजों लोगोसे ओन्सोलनि गोबां दैदेनगिरिफोर, मेलेमजिबिफोर, फरायसाफोर आरो गोबां राइजो-राजाफोरा बे हाबाफारियाव बाहागो लायो।□

कक्राझाराव लायन्स क्लबनि बान्जायनायाव थै दान होनाय बादा खुंदों

सोहोराव थानाय प्रगति भवनयाव मोनसे थै दान होनाय बादा खुंनय जादों। कक्राझार नोगोर आफादनि बिबानगिरि प्रतिभा ब्रह्मआ बाहागो लाफैनायाव कक्राझार जिल्ला कमिसनार मासन्दा मेगदालिन पाटैन्आ गोथारै बेखेवना होनाय थै दान होनाय बादायाव माखासे सान्थि जवान आरो पुलिस बेटेलियननि सुबुंफोय थै दान होयो। मख'नो गोनादि, दिनेनि थै दान होनाय बादायि गेजेरजों बुधुमनो मोन्याय थैखौ कक्राझार फाहामथाय फरायसालिमा-फाहामसालि आरो कक्राझार रुपनाथ ब्रह्म सिभिल देहा फाहामसालियाव गथायनाय जागोन होनानै सुलुङ फोरमायदों। फाहामसालियाव थैनि आंखालखौ फोर्बायनायनि थाखाय कक्राझार लायन्स क्लबआ बाखायजाथाव थांखि आजावना लादों होना सांग्रां थाखोआ बाश्रा सावरायजादों।□

बड'लेन्ड मुलुगसोलोंसालि आरिमुगिरिफोरा आइआइएसएफ 2024 आव मानगोनां जुरि ..

एआइ-बिथायारि एप्लिकेसनजों दिन्थिजादोंमोन। बे सदानग्रा मावथांखिखौ बिटिआर, आसामाव बर' हारिजों दोरोडारि महरै बाहायजानाय मुलियारि बिफांफोरनि सोमोन्दै गोनांथार गियानखौ डिजिटेल आर्काइभ खालामनो आरो गोसारहोनो थाखाय डिजाइन खालामनाय जादोंमोन। बर' आरो इरांजियाव मोननै रावारी गोहोजों बे बाहायनाया बिगियानारि दावगानाय आरो अरायथा जौगानायखौ बड'लेन्यायजों लोगोसे हादतआरि उनमोनथाइखौ सरेखा खालामनो थाखाय बड'लेण्ड मुलुगसोलोंसालिनि रादाइखौ दिन्थियो। गोनांथार बिहोमाफोरनि गेजेराव गामियारि गोदान दिह्थायाव गोदानथार राहाफोर दंमोन, जेराव मैखुननि दिह्नाथयफोर, लाथिख'-दाखोर-दाला गारग्रा बिरोदामिनफोर, औवानि शिल्प, भार्मिकम्प'स्टि आरो बाय-फ्लक फिस कालचार दंमोन, जाय रांखांथियारि जौगानाय आरो गावसोनारनायनि थाखाय अरायथा लामा होयो। दिदोमथियाबो मोनसे मिरु बिन्दोमोन, जेराव हाइड्र'प'निक्स, एक्वाकालचार, बाय रैमेडियेसन आरो सोमखोर रासायनारि आखाय होनायफोर बायदि नोजोर गोनां बाहायनायफोरा सोरबिथिआरि जेनाफोरखौ बिबुंसार होयो आरो आबहावायारि सामलायथिखौ देरहायो। बेनि अनगायैबो, सुबुं समाजारि गोहो होनायाव मुलुगसोलोंसालिनि हाबाफारिफोरा गुसु समनि रोंग'थि-बिथा फोरोंथाय फरायफारि, गामियारि स्टार्टआपफोरखौ जोथोन लानाय आरो गियान-रानलायनाय प्लेटफर्मफोरनि खाबुनि गेजेरजों 10,000 निबो बांसिन आबादारिफोरखौ मुलाम्फा होदों, जाय समाजारि सोलायनायाव बड'लेण्ड मुलुगसोलोंसालिनि दैदेन्यायखौ गोख्रों खालामो। बे जुनिया सिनायथिया बड'लेण्ड मुलुगसोलोंसालिनि बिगियान आरो बिरोदामिननि सोलायनाय गोहोखौ बांसिन मोजानि थाखाय बाहायनो गोख्रों रादाइनि फोरमान। मुलुगसोलोंसालिनि गोख्रों नाजानायफोरा आबाद, सावस्त्रि, आर्टिफिसियल इन्टेलिजेन्स आरो आबहावायारि दिदोमथिजों लोगोसे गोनांथार बिथिंफोराव गोसारना दं, जाय गासैबो मोनसे आत्मनिर्भर आरो समान भारतनि हास्थायनायफोरजों गोरुबनाय। आइआइएसएफ 2024 आव बाहागो लानायनि गेजेरजों, बड'लेण्ड मुलुगसोलोंसालिया मेलेमारि साबसिन आरो गोदान दिह्थायनि मिरु महरै गावनि मुखौ आरोबाव गोख्रों खालामदों। बे गनायथिया मुलुगसोलोंसालिनि बिगियानारि रोंग'थिल' नड, नाथाय ओन्सोलारि जेनाफोरखौ सुखानो आरो हारिफोरखौ गोहो होनो थाखाय बेनि सोलायनो रोंडेबाउसोमनायखौबो फालियो। बड'लेण्ड मुलुगसोलोंसालिया गियाननि सिमाफोरखौ दावगाहोबाय थानायलाय, बेयो समाजारि जौगानाय आरो आबहावायारि गोरुबलायनायनि थाखाय मोनसे गोहो गोरा थुलुगागिरि जानानै दं।□

गाहाम देहानि राहा

गोथां मुग दालिया सावस्त्रिनि थाखाय सोमोनांथाव मुलाम्फा होयो

भारतया रफोराव मटर, मुग बायदि दालिफोरखौ गोबां जानाय जायो। बेफोर गैयाब्ला, आदारखौ आबुं नड होनना मानिनाय जायो। नाथाय नोथाड मिथियो ना मटरनि अनगायैबो गोथां मुग दालिआ सावस्त्रिनि बेलायाव जोबोद मुलाम्फा गोनां। बे दालिखौ गासै दालिफोरनि मादाव बयनिखुइबो बांसिन पुष्टिगोनां होनना मानिनाय जायो। बेयो लिरथाय बाडइ खालामनायाव मुलाम्फा गोनां आरो उदैनि थाखाय मुलाम्फा गोनां जायो। मुग दालि जानाया देहायाव गोखै गोहो होयो। गोथां मुग दालि जानायनि मुलाम्फाफोर जाबाय-



गुफुरनि रोसि आरो थोबसे संखि होनांगौ आरो जानांगौ।
2. हाइ बिपिखौ बाडइ खालामो: मुग दालिआव फाइबार, पटेशियम आरो मेगनेसियम थायो जाय देहायाव ब्लाड प्रेसारखौ बाडइ खालामनायाव मदद खालामो। बेयो थैयाव मेगनेसियामनि थाखोखौ हमथाना लाखियो। मेगनेसियामा थै रोदाफोरखौ गोरलै खालामो जाय हाइ बिपिनि नारसिनथायखौ बाडइ खालामो।
3. कलेस्ट्रल: गोथां मुग दालिआ कलेस्ट्रल आरो लिपिडफोरखौ बाडइ खालामनायाव मदद खालामो। कलेस्ट्रलआ बिखानि बेरामनि खैफोदखौ बांहोयो। बिजिरसनाया दिन्थियोदि, गोथां मुग दालिआव एलडीएल कलेस्ट्रलखौ बाडइ खालामो हानाय गुनफोर दं। मोनसे खुरै मुग दालि (फ्राय 130 ग्राम) आ एलडीएल कलेस्ट्रलनि थाखोखौ 5 जौखोन्दोसिम

बाडइ खालामो होयो।
3. इम्युनिटी: गोथां मुग दालिआ होबथानो हानाय गोहोखौ गोखौ खालामनायाव मुलाम्फा गोनां। भिटांमिन, मिनारेल आरो एन्टिअक्सिडेन्टजो बुंफबनाय, मुग दालिआ देहानि मिथिंगायारि रैखाथि आदबखौ मदद होयो। बेयाव थानाय फाइबर न्युट्रियन्ट फोर। एन्टिमाइक्रोबियेल, जाय खहागोनां बेक्टेरिया आरो जिउसाफोरजो दावहा नांनयाव मदद खालामो आरो होबथानो हानाय गोहोखौ बांहोयो।
4. बिगुरनि थाखाय मुलाम्फा गोनां: गोथां मुग दालिआ बिगुरखौ जोंखांहोयो। मुग दालिखौ स्क्रब महरै बाहायनायाबो मोनसे मोजां राहा। न'आव मुग दालि बाहायनायै एक्सफ'लियेटि फेस पेक बानायनाया जोबोद गोरलै जायो।

फावखुंगुर गबिन्दाआ प्रियदर्शननि सावथुनखौ लानानै माखासे बाश्ना फोरमायदों



प्रियदर्शनआ 2006 माइथायाव 'भागम भाग' सावथुनखौ बानायदोंमोन आरो बे सावथुननि मुजिथावनना सिनफोरा नायगिरिफोरनि गोसोखौ देरहानो हादोंमोन। सावथुनाव अक्षय कुमार, गबिन्दा आरो परेश रावलनि कमेडि पावार हाउसआ गाहाइ फावफोरारव दडमोन। अदेबानि, दा 20 बोसोर उनाव बेनि सिक्वेलखौ लानानै खौरांआ बांनो हमदों। गबिन्दाआ बावैसो सिगां फोरमायदोंमोनदि, बे नेनानै थाबाय थानाय सिक्वेलनि थाखाय बिथांखौ सोमोन्दो लायाखै। गभिन्दाया बावैसो इन्टरभिउआव मोनसे सोमोनांथाव बाश्ना फोरमायदों। बिथांआ मिबथि होयोदि, बिथांखौ कमेडि सिक्वेल 'भागम भाग 2' सावथुननि थाखाय सायख'याखै। फावखुंगुरआ बुडोदि, 'भागम भाग 2' नि थाखाय रावबो आंजों सोमोन्दो लायाखै एवा सावरायनो थाखाय जिरायाखै। आंनि सोमोन्दै खालि भागम भाग 2 आल' नड, नाथाय पार्टनार सावथुनजों लोगोसे माखासे गुबुन सिक्वेलआव थाफानायनिबो खौरांआ गोसारदों। प्रियदर्शननि 'भागम भाग' सावथुननि सिक्वेल बानायनायखौ फैनो गोनां बोसोरनिफ्राय जागायगोन। बेखौ लानानै जेब्ला गबिन्दानाव गावखौ सावथुनाव थाफागोन नामा होनानै सॉलु सोडो अब्ला बिथांआ बे बाश्नानि सायाव एवा सॉलु खालामनायनि फिन्नायाव बुडोदि, बिथांनि थांखिया माखासे मख'जाथाव बेसादफोरनि सायावसो थागोन। फावखुंगुरआ बुडोदि, सिक्वेल खालामनो नागिरनायजों गोहोम गोगलैनायनि अनगायैबो बिथांआ गिबियाव स्क्रिप्ट, फाव, डाइरेक्टर आरो गुबुन माखासे कन्डिसनफोरनि एभालुएसनफोरखौ इम्पर्टन्ट होगोन। 'दा ग्रेच इन्डियन कपिल स्व' आव गावनि बावैसो नुजाथिहैनायनि गेजेरजों गबिन्दाया गावनि फैनो गोनां गिदिर स्क्रिप्टनि प्रजेक्टफोर-बाए हाथ का खेल, पिंकी डार्लि आरो लेन डेन: इटस अल एबाउट बिजनेस, खौ फोरमायनानै अन्साइगिरिफोरखौ गोजोन होदों। गावनि समायना कमेडि टाइमिनि थाखाय मिबथि जानाय फावखुंगुरआ गमामायैनो फैफिनसिगोन आरो बिथांनि बे फैफिन्नाया नायगिरिफोरनि थाखाय मोनसे ट्रिट जानायनि खोथा होयो।

शाहरुख खानजों अजमेर शरिफ दरगाहआव मोनसे सोमोनांथाव जाथाय जादों

शाहरु खानखौ बलिउडनि किं होन्ना मिबथिनाय जायो। आथिखालाव बिथांआ बलिउडनि बयनिखुइबो धोनि फावखुंगुरनि लिस्टआव दड, बिथांनि नेटवार्थआ 7300 कौटि रं। बिथांनि मन्त न'नि बेसेना आथिखालाव गोबां कौटि रंनि जाबाय। किं खाननियाव गोबां बेसेन गोसा कारफोर दड; नाथाय मोनसे सम दडमोन जेब्ला बिथांआ गावनि 5000 रं गोमायाव दुखु जादोंमोन। नाथाय अजमेर शरिफआव सासे फकिरआ शाहरुख खानखौ मोनसे सोमोनांथाव बाश्ना बुंदोंमोन, जायखौ खोनायोब्ला बयबो गोमो हाबगोन। अदेबानि माखासे सुबुंफोरथ' बुंगोन थारैनो बेयो जाफुमाखाय। सशेल मिडियाआव मोनसे भिडिअया गोखैयै भाइरेल जागासिनो दड; जेराव शाहरुख खानआ गावनि पपुलार क-स्टार दिपिका पाडुकणजों लोगोसे बाश्ना सावरायनाय नुनो मोन्दों। बेभिडिअयाव बिथांआ शाहरुख



खानखौ बुडो, माखासे बोसोर सिगां नोथांआ दरगाहआव थांदोंमोन आरो बेवहाय नोथांनि जेबनिफ्राय माखासे रंखौ खावदोंमोन। सासे फकिरआ बुंदोंमोनदि, दिने नों नुदों माखासे रंफोरखौ, नाथाय नोनाव गोबां रं फैगासिनो दड। बे बाश्नानि सायाव शाहरुख खानआ मिनियो आरो बुडोदि, आंनि बिमानि देहाया थिग नडमोन। बिनि थाखाय आर'ज गाबनो आं बिथांजों अजमेर शरिफआव थांदोंमोन। बिमाया रंखौ आंनो मोजाडै दोन्ने होदोंमोन, बा रोजा रंमोन उनाव आंजों बे रंआ गोमायो। आं जेब्ला नायगिरिनो थाडो अब्ला बे समावनो सासे फकिरआ

सिंघाम एगेन सावथुना टिकेट उइन्डआव मोजाडैनो दिन्थिफुंनो हाबाय



अजय देबगान आरो अक्षय कुमार स्टारनि काप युनिभासनि सावथुन सिंघाम एगेनआ टिकेट उइन्डआव मोजाडैनो दिन्थिफुंनो हाबाय। बे सावथुना 2024 माइथायनि 1 नभेम्बरखालि सिनेमा हलफोराव रिलिज जादोंमोन आरो कार्तिक आर्यानि हलफोराव रिलिज जादोंमोन आरो कार्तिक आर्यानि भुल भुलैया सावथुनजों बक्स अफिसआव बादायलायनाय बायदि जादोंमोन। नाथाय टिकेट उइन्डआव मोजाडै दिन्थिफुंनयनि जाहोनाव सावथुना भारतआव गावनि बाजेटखौ दिहुनफिन्नायआव जाफुंसारनो हायासै। सावथुना गिबियाव 'भुल भुलैया 3' नि सिगां आवगायलांनो नाजादोंमोन आरो गिबि सप्ताहआव मोजां कालेक्सनबो खालामदोंमोन नाथाय उनाव लासै लासै कालेक्सनआ दावखलायनो हमो। मोनसे रिपर्टनि बायदिब्ला सावथुना 33 थि सानाव 1.45 कौटि रं आरजिनो हादों। ब्रैथि सप्ताहआव सावथुननि गासै कालेक्सनआ 6.45 कौटि रं जादों। बे हिसाबै सिंघाम एगेननि नेट कालेक्सनआ 247 कौटि रं जादों। सावथुना सिनेमा हलफोराव गासै जयै 16.06 जौखोन्दो हिन्दि अक्युपेन्सि मोन्दों। फुंनि स्व'आव 6.13 जौखोन्दो, सानजौफुनि स्व'आव 19.16

जौखोन्दो, मोनाबिलिनि स्व'आव 23.85 जौखोन्दो आरो मोनानि स्व'आव 15.08 जौखोन्दोनि अक्युपेन्सि जादों। बबेखानि, 5 डिसेम्बरखालि आल्लु अर्जुननि पुष्पा 2 सावथुना रिलिज जागोन, बेनिखायनो हमदानानै लानाय जायोदि, सिंघाम एगेननि कालेक्सनआ 248 कौटि रंआव फैनानै थाबथानो हागौ। सावथुना 250 कौटि रंनि कालेक्सनबो क्रस खालामनो हायाखै। अदेबानि सिंघाम सावथुनखौ सेमि हिट बुंनो


रेपार एमिनेमनि बिमा डेबि नेल्सनआ जिउ गोमाबाय

रेपार एमिनेमनि बिमा डेबि नेल्सनआ 69 बोसोर बैसोआव जिउ गोमाबाय। नेल्सनआ थांनय माखासे समनिफ्रायनो गोब्राव जब्राजों जुजिनानै दडमोन। रेपार एमिनेमनि बिमा डेबि नेल्सनआ बुहुमखौ नागरानानै थांबाय। बिथांनि बिमाया गोबाव समनिफ्रायनो केन्सार्जों भुगिनानै दडमोन। केन्सार्जों जुजियै बैयोयाव जिउ गोमाबाय। सुलुनि बायदिब्ला, रेपारनि बिमाया 2 डिसेम्बर, समबारखालि मोनाबिलिनि समाव सेन्ट जसेफ, मिसौरियाव जोबथा हां बोयो। 1955

कमेडियान सुनि पालनि गोमानाय खौरांआ रोखा जाबाय

थानाय मोनायाव खौरां फैदोंमोनदि, कमेडियान सुनिल पालआ गोमानानै दड। बिथांजों सोमोन्दो लानाया 24 घन्टा जानानै थांबाय, बेनिखायनो बिथांनि बिसिआ गोमानायनि रिपट थिसदोंमोन। बे समनिफ्रायनो बयबो बे बाश्नानि सायाव जिंगा सिदोंमोनदि, फावखुंगुरआ बहा दड आरो मोगथांआव फावखुंगुरआ मा जामारदों? उनाव मुम्बाइ पुलिसआ खौरां होयोदि, कमेडियानआ गोमायाखेमोन। नख'निफ्रायनो बिथांजों कन्टेक्ट जाबाय। कमेडियाननि बिसिआ मिबथि होयोदि, बिथांआ स्व' खालामनो थाखाय सहरनिफ्राय बायजोआव थांदोंमोन। बिथांआ 3 डिसेम्बरखालिनो फिन्नायनि बाश्ना बुंदोंमोन। नाथाय जेब्ला बिथांनि फनखौ बन्द' मोनो अब्ला बिथांआ थानायाव थानानै पुलिसनाव केस थिसनो। मख'नो गोनांदि, सुनिलआ स्व'नि थाखाय फैदोंमोन आरो

कमेडियान सुनि पालनि गोमानाय खौरांआ रोखा जाबाय



आरो पुलिसजों बिथांआ रायज्याय हरखांबाय। सुनिलनि बिसिआ मिबथिहोयोदि, पुलिसआ कमेडियाननि उन नाम्बारखौ ट्रेस खालामदोंमोन आरो बेवहाय लके शनखौ मिबथिनो हायो। बिथांआ मोनसे जेनायाव गोगलैनानै दडमोन, अदेबानि दा 4 डिसेम्बरखालि प्रेस कन्फेन्स खालामनानै बिथांआ मिबथि होगोन जे बिथांआ मा जामारमोन। सुनिलआ मोनसे सुलुडाव फोरमायनाय बायदिब्ला, किडनेम जादोंमोन। फावखुंगुरआ दिल्लीआव मोनसे स्व'नि थाखाय फैदोंमोन आरो

कमेडियान सुनि पालनि गोमानाय खौरांआ रोखा जाबाय



बे सानावनो मुम्बाइआव फैफिन्नो गोनांमोन। नाथाय बिथांनि फनआ गोमायो आरो नख'रनि सुबुंफोरजों कन्टेक्ट खालामनो हायाखै मोन। बबेखानि बिथांआ माल्ला, मानो आरो माबोरै किडनेप जाया बेनि सोमोन्दै गोबां खौरां मिबथि होयाखै। नाथाय मुम्बाइ पुलिसनि बुंनय बायदिब्ला, पुलिसआ गोमायाखै मोन। बिथांजों सोमोन्दो लानो हायाखैमोन। मानोना बिथांनि फनआ गोमादोंमोन। बबेखानि आथिखालाव बयबो फावखुंगुरनि अफिसिएलि फैनानै बे जाथायनि खौरां होनायखौ नेनानै दड।

'स्र व्हाइट' सावथुननि अक्टखौ फोसावबाय

डिन्जिनि क्लासिक सावथुन 'स्र व्हाइट' नि गोदान एडिसनआ 2025 नि 21 मार्चखालि सिनेमा हलफोराव रिलिज जागोन। बेयाव रेचेल जेगलर आरो गेल गेडटखौ गाहाइ फावआव नुनो मोनगोन। डिन्जिनि गोजाम सल' 'स्र व्हाइट' आ आथिखालाव मोनसे गोदान महरै 2025 नि 21 मार्चआव सिनेमा हलफोराव नुजाथिगोन। बे सावथुननि डायरेक्सनखौ मार्क वेबआ खालामदों। सावथुनखौ



भिक्केडआ दिहुन्दों आरो बे सावथुनखौ बिथोनगिरि मार्क प्लेट आरो जेरेड लेबफआ बिथोन होदों। बे सावथुना 1937 माइथायाव फैनाय डिन्जिनि क्लासिक एनिमेसन सावथुननि मोनसे लाइभ-एक्सन मिउजिकेल एडिसन। बेयाव रेचेल जेगलरआ स्र व्हाइटनि गाहाइ फाव दिन्थिदों आरो गेल गेडटआ बिथांनि बिमा गदाय आरो गाञ्चि रानीनि फावआव नुजाथिगोन। गोदान ट्रेलारआव सावथुननि समाइना

डिजाइन बानायनाय, बेसफुल, डक, डपि, ग्रिम्पि, हेम्पि, स्लिपि आरो स्त्रिजिनि नुथायखौ दिन्थिनाय जादों। लोगोसेनो

बेयाव 'वेटि अन अ विश' मुनि मोनसे गोदान मेथाइखौबो

दिन्थिनाय जादों। बे मेथाइखौ इजिअटि देरहागिरि बेन्ज पासेक आरो जास्टिन पलआ थियारि खालामदों। बिथांमोनखौ 'दा ग्रेटेस्ट स्वमेन' बायदि सावथुनफोरनि थाखाय सिनायथि जायो। डिन्जिनि 'स्र व्हाइट' आ 2025 नि 21 मार्चआव भारतनि सिनेमाहलफोराव रिलिज जागोन। बे सावथुना क्लासिक स्ट'रिनि गोदान एडिसन महरै नायगिरिफोरनो मोनसे जाडु गोनां मोन्दांथि होनो थाखाय साखा-फाय जादों।

